

五

德



五

起元至正廿七年至洪武二年

國權

正朔長祿喜興

鹽官談遷孺木著

丁未元至正二十七年

吳元年

夏開熙二年

正朔朔容美洞等處軍民宣撫司改黃沙靖安麻容等處軍民宣撫司田光賢為宣撫使立太平臺宜麻寮等十寨長官

癸巳湖廣行省參政戴德魯軍唐允亨攻沅州

己未置寧國衛

神武衛指揮使定遠楊國興攻姑蘓中流矢卒年三十二

吳王以鎮宜興有功初封宜興城隍顯祐伯
有老人告屠局匠曰吳王即位三年當平一天下匠驚問
之曰我太白神也去不見王聞而誕之今後勿以聞

戊戌諭中書省臣曰吾昔在軍中嘗空腹出戰歸得一食即
粗糲甚甘今飲膳豐美未嘗忘之太平應天宣城諸郡吾渡
江開創地供億先勞其免太平租稅六年應天宣城諸郡一

丁年

沅州守將李興祖降即李勝

國庶子嘉定州守臣王立中等降於徐達

辛丑諭中書省臣曰古人祝頌意寓警戒近諸臣上箋多頌
少規今後務平實勿虛美
甲辰又詔擴廓帖木兒舊時使臣汪河未還

置辰州衛

二月未朔元擴廓帖木兒遣左丞李二侵徐州次陵村叅政陸
聚令指揮傅友德詞其衆方掠以二千騎渡呂梁直趨擊之
敵將韓乙出戰友德單騎奮槊刺之墜馬元兵敗走友德度
再至趨還城開門陣於野卧槍以待約鼓聲即起李二果盛
兵至兢而驚友德鼓之奮擊斬溺甚衆擒李二及將士二百

餘人獲馬五百餘匹
壬子茗洋降盜周遜卿叛浙東按察僉事章溢平之
癸丑置崑山吳興安吉三衛
置兩浙都轉運鹽使司於杭州轄三十六場歲辦鹽二十二萬二千三百八十四引有奇

乙卯吳王聞徐州之捷謂大都督府臣曰此擴廓帖木兒游兵餌我也謹備之母情

乙丑遣諭陳州左君弼書曰天下兵興豪傑並起豈惟乘時以取功名亦欲保全家室足下自委於人既已失策復使母

妻各天一方以日為歲縱不念妻子何忍忘情於親哉功名富貴可以再圖親不可再得其熟計之君弼未即決命母歸

陳州

江淮分省參政陸聚攻宿州擒僉院邢端等百四十一人

癸酉慈利軍民宣撫使覃虛夏克武貢馬及方物賜織金綺

帛有差

甲戌大將軍徐達圍平江數請事 吳王報曰將軍自昔相

從忠義天性沉毅有謀端重且武用能遏絕亂略消弭群雄

今事 稟命將軍之忠吾甚嘉之然將在外君不御也自後

緩急將軍便軍行之勿以聞
三月丑朔宣州貢茶薦廟
戊寅置應天衛親軍指揮使司
參政蔡哲歸自夏

壬午駙騎衛改駙騎右衛親軍指揮使司
戊子思沅兩界軍民安撫使黃元明內附

丁酉設文武科取士

沂州流民千餘家還靈璧虹縣復業王信追殺之痛遷大掠
王聞而閉之賑其餘黎

參軍唐允亨言黔陽前元帥蔣節領義兵千人自困乞授安撫司俾討靖州山寨許之
參政楊璟下澧州石門縣

四丙午朔上海錢鶴皋作亂時徐達驗民田徹城磚因鼓衆至
三萬餘人繫松江殺知府荀玉珍通判趙徹自稱行省左丞
署官屬達遣指揮葛俊往繞六艘入古浦塘賊列塘上或曰
此長蛇陣也毋易之及聞砲皆走俊兵入城鶴皋出北門還
家匿海上擒之俊怒華亭人從亂欲屠之知縣馮榮力爭而
止鶴皋愛士喜賓客名勝多從之游將起事周塹列竹護其

家識者笑之據郡三日歎

庚戌吳王至白虎殿見諸子讀孟子問許存仁要旨曰行王道施仁政省刑薄斂盡之矣

錢塘衛指揮同知袁洪克崇德州

辛亥吳王廟祭退泣不止語起居注唐同曰往先人是月

六日亡先九日亡母二十二日亡人生值此其何以堪益泣

不自勝

遺元河南擴廓帖木兒陳州右丞高脫因帖木兒等紗羅葛有差

壬子諭唐同等史事貴直筆予平日言動其直書勿諱

乙卯中書省平章政事俞通海卒通海攻蘓州中矢創甚還

都下王視疾揮涕贈光祿大夫追封豫國公

黃金曰當世運草昧群雄競起能識真主委身來歸用其

智武佐成大業名最元勳功垂國史可謂豪傑之士而又

沉幾簡重出言合宜勞不矜能和不踰節馭軍以嚴而政

不苛恤民以惠而法不撓非獨戎略精強匹休古名將用

於朝廷亦輔弼之良也顧年不滿其所施惜哉

己未方谷珍屢假貢獻現我而陰通擴廓帖木兒陳友定

吳王惡其反覆賜書數其十二罪谷珍不報不與朝文
士成置太倉衛
分成嘉興海鹽海寧邊境

壬申宣州府仍曰寧國改江陰州曰縣隸常州

五胡子朔平江久不下吳王遣張士誠書曰成湯放桀武王
伐紂漢祖滅秦天命所在豈容紛然雖有智力事業弗成當
革心畏天全身保族若實融錢俶是也自右皆然非今獨異
爾能順附其福有餘毋困守孤城危其兵民自取滅亡為天

下笑士誠不報

己亥初置翰林院饒州知府陶安為學士正三品

吳王憂旱素食凡大內蔬茹醯醬皆內辦不煩於民

免徐暉濠泗蕞陽安陸田租三年令曰予本布衣因天下亂
集衆渡江撫定江左十有三年中原之民流離顛頓尚無所
歸吾乃積粟控弦徐宿濠泗壽邳東海安東蕞陽安陸及今
後新附人民中書省其命有司免徭賦三年

六胡午朔日食書晦

己酉張士誠圍急欲突戰規城左陣嚴不敢犯遣徐義潘元

紹潛出西門轉至閭門將奔常遇春營遇春與戰未決吳然
政黃哈喇把都以千餘人助戰而士誠自出山塘道挾麾其
輝少却遇春拊王弼背曰足下猛其取之弼曰諾馳雙刀而
前遇春乘之吳人大敗多擄於沙盆潭溺焉又吳勇勝軍號
十條龍常銀鎧錦衣出入陣中是日皆溺死士誠馬驚亦溺
肩輿入城忽、無所出降將李伯昇使客往說曰臣欲為公
言興亡之計士誠曰何如客曰公知天數乎昔項羽喑鳴叱
咤百戰百勝天下卒屬漢者何也天也公初入高郵十八人
耳而元兵圍公百萬然公卒提孤軍突出東據三吳今既有

地千里士數百萬而反不能敵建康此亦天爾然令公不志
高郵之危苦志勞心亦可以強今至於此臣恐公之為項氏
也士誠曰足下何者不言今何及矣客曰公子弟親戚將帥
羅列內外歌妓舞女旦夕酣飲提兵者自以為韓白謀畫者
自以為蕭曹此時公深居於內雖有敗失掩不以聞即聞亦
置不罪當此之時臣言固不得聞也士誠喟然嘆曰吾亦恨
之無及矣客曰臣能及之士誠曰不過死耳客曰死而有利
則為之不然自苦耳公不見陳友諒乎跨有荆楚兵甲百萬
建康之兵戰於姑孰鏖於鄱陽友諒舉火欲焚其艦天反風

火之兵敗身喪何者天也人亦無如天何今汝公益急公特
湖州援則湖州失特嘉興援則嘉興失特杭州援則杭州失
區守此誓以死拒何見晚也且夫公地譬之博者得而失
之何損於初公何不以此時馳一介使自述所以歸義林氏
之意幅巾待命當亦不失萬戶侯士誠仰首良久曰足下且
休吾熟思之

壬子張士誠復突出胥門鋒甚銳常遇春禦之少卻丞相士
信幟城樓督戰見士疲忽鳴金收軍我奮擊大破之追至城
下復築壘迫其城自是士誠不出士信方據銀椅同參政謝

節等會食進柁未嘗飛礮碎首死

甲寅裁衆議

壬戌元擴廓帖木兒部將李昇道來降留會同館

癸亥都指揮傅友德為江淮行省參政賜綺帛各十匹千五

各三匹百戶鎮撫各二匹餘卒賜鹽二十斤貴陵村之功又

呂友德入朝以麾蓋鼓吹送歸第翌日遣衆議李欽冰楊希

聖移妓樂飲友德裸而酣遂懸之語友德曰若擢甲冑出百

死一歡之固當彼士人何為者吾不而答也

戊辰大雨下令免今年田租

癸酉誅衆知政事死平張昶。以元戶部尚書留之才辨通
敏諳習典故多制作而心不忘元嘗私語曰若歸元亦不失
富貴陰使人工書頌功德宜及時娛樂。吳王斥之又勸峻
刑破除豪民不聽會歸元平章長壽丑的第陰附表并寄其
子詢書參政楊憲候疾工其書草下大都督按問遂書贖曰
身在江南心思塞北遂伏法
甲戌諭憲臣曰人於箠楚下屈抑頓挫何事不伏何求不得
古人用刑蓋不得已懸法象魏使人知而不敢犯書云欽恤
用刑之本也

七月亥朔。吳王御戟門閱雅樂自擊石磬命學士朱升辨五
音悞宮為徵起居注熊昂曰八音石聲最難和故書曰於予
擊石百戰卒舞。王曰樂以人聲為主入聲和即八音諧矣
昂曰樂不外求在於君心君心和則天地之氣亦和天地之
氣和則樂無不和。王深然之
林之盛曰熊公謂石音難辨固也予以為未若黃鐘之宮
為難也太史公不解九寸為黃鐘之變而直以為黃鐘之
管遂九分寸為寸黃鐘八十一分之說蔡季通新書宗之嘗
試以其法布筭其增減多差池不齊陽氣冬至後漸升而

律反短則氣有餘而管不足夏至後漸降而律反增則氣
不足而管有餘於是半律子聲之議出焉委曲以相符變
遷以相就其辨雖工恐非造化自然之妙也然則云何曰
呂氏春秋載伶倫斷竹長三寸九分而吹之為黃鐘之宮
近時李文利祖其說而增減皆以九分惟黃鐘之於大呂
旋宥之於林鍾其所增減比之他律不同蓋大呂當陰退
之極一陽始生則陽雖進而尚弱林鍾當陽進之極一陰
始生則陽雖退而尚強大呂林鍾固宜其增減僅得三分
之二也此李氏之所謂神解也黃梅瞿九思獨辨其非而

從漢律末復首肯李而欲尸祝何耶吾於是而知黃鐘之
林宮之難夫石音何難之有
丙子除郡縣官二百三十四人定賜予道里之費守令文綺
四絹六羅二夏布六父如之母婦子各半其佐貳官視長官
半之家屬又半之幕職視佐貳又半之家屬同津費知府五
十金州減十五縣減二十餘各有差知事吏目典史皆十金
著為令蓋恐赴任假貸或侵刻故先養其廉
戊寅諭諸將從事征討毋妄殺曹彬曹翰事可為勸戒吾嘗
諭徐達能聽吾言攻城下邑不肆誅僇汝輩其效之

甲申右相國李善長等勸即皇帝位不許皆力請吳王曰
吾嘗笑陳友諒未也而稱帝天命在我何驟焉
己丑雷震宮門獸吻得物斧形而石質命藏之出員駕前朝
置席示戒遂赦中外獄囚

庚寅置徐州濟南二衛

初方谷珍納款我欲徵之報曰三郡界元吳間明公未便公
守之若克杭撤吳之蔽三郡歸公是我代公守也至是觀望
持兩端吳王怒使徵粟二十三萬石曰克杭有日矣公何
負成約如故張士誠與公接壤取公振落耳所不敢者誰在

耶吾旦暮下姑蘇奄至公境背城一戰亦丈夫矣不然去之
入海亦一策也然自古未有久海上者公審思之谷珍懼與
子弟將佐謀即申張本仁曰江左方圖張氏勝負未卜計不
能越境而致於人劉席曰江左多步騎平地用耳奈吾海舟
何丘楠曰二者皆非主所自福也惟智可以決事惟信可以
守國唯直可以用兵昔者江淮之間豪傑並起人莫不欲
帝然分鼎足者漢與二吳耳漢人敢戰不怯尚死九江張吳
區如竇中鼠敗可知也江左之吳法嚴而軍威諸將所過
秋毫無犯所得府庫還封識之以奉其主弔伐之心此必有

天下且勢已并漢勢有張氏之二公經營浙東十餘年矣不能越三郡不以此時早決不可謂智自居錢鏐柳天背馬不可謂信我之不信彼微師焉不可謂直莫若與也谷珍不能用國師立國以國其昔漢之舉之國也

辛丑置太常寺司農大理將作四司楊思義為司農卿劉誠杭琪少卿單安仁為將作司卿吳王諭群臣曰古之賢君嘗憂治世其臣亦憂治君然賢臣之憂治君者君常安賢君之憂治世者世常治今土宇日廣人民雖蕃久困未蘓予心未嘗忘憂卿同吾憂國福至矣不

然禍敗隨之不可救藥

八朔申有賍吏事發赴并死

吳王諭廷臣曰舍生為利此可

戒世之貪污者

癸丑員丘方丘及社稷壇成

甲寅協律節令謙定樂律

乙丑大風雨

丙寅吳王祀山川畢將還宮顧世子曰國家初定民始息肩汝知人勞乎夫人貴則驕逸則忘勞若夫貴而不驕逸而知勞心體衆情能為君者也今將士中夜扈從至此皆未

朝會汝可步歸
諭元沂州守臣王信

徵江西儒士顏六奇蕭飛鳳劉子等欲官之俱辭老賜帛遣

還

九明戎朔命參政朱亮祖攻方谷珍於台州諭之曰谷珍皆竅
偷生往則必下第其民困甚下之日毋殺一人

太廟成

心亥故鳳翔衛指揮使丁德興贈都指揮使後追封濟國公
成寅諭中書省臣曰先王之政罪不及孥罰弗及嗣自今民

有犯毋連坐

辛巳大將軍徐達克平江執張士誠時圍久城中木石俱盡
糧匱復鼠直百錢煮及枯草達令作木屋蔽以竹伏卒攻城
遂破葑門常遇春亦破閶門樞密唐傑登城拒戰知不敵降
日晡城陷士誠收餘兵二三萬奔戰萬壽寺東街復敗從數
騎倉皇歸曰恨不從先母言顧劉夫人曰我死汝奈何曰不
獨生子乳媪金袍二幼子出亡驅妾媵上齊雲樓焚之而自
經士誠坐空室亦欲自經達使李伯昇往諭伯昇驚前抱持
之曰九四英雄患無身耳昇士誠舊盾上達入城約過春吾

營而左以營而右將士人予一符曰掠民財者死毀民居者
死離營二十里者死師入民不知兵食寢互市如故獲官屬
平章李行素徐義左丞饒介叅政馬玉麟謝節王原恭董綬
陳恭同僉高禮內史陳基右丞潘元紹等諸吏卒凡二十餘
萬并元宗室神保大王黑漢等皆送應天叛將熊天瑞伏誅
吳寬曰張氏據吳建國疆然自王其勢若甚易者何哉蓋
當四方擾攘民心皇皇無所依歸有能保障之者亦可以
苟安也惟當時主以游說之人濟以脆輒之卒上下伏豫
遂忘遠圖終焉天兵一臨歎伏鳥散三吳故疆竟歸其主

張使氏如錢俶之見幾待命不勞而戰亦足以庇其子孫
何至國蹙城破身為俘囚如劉銀耶雖然倔强激烈負氣
而死其兄弟妻孥亦不受辱較之李重光之柔懦則過之
矣

黃省曾曰張氏帶甲百萬拓國千里稱王改元可謂成矣
而竟一朝冰燼以滅蓋非其人也張氏之興日與駭夫文
客作賦觴酒抱姬倚艷取目前之權娛初無王者經略出
師無紀守地無法不啻嬰弄兒戲安能無亡也

楊慎曰其高廟云陳友諒割而輕其志驕張士誠狡而懦

其志小其後二寇之敗卒如聖料比如漢高之料項羽
過之矣高岱曰士誠撫吳會之富饒跨淮南之雄勁顧惴自保
不能越江陰尺寸以窺金陵此豈有遠圖者哉聖祖新
陽一戰亟遣徐達還建康及友諒敗亡又不從諸將之謀
為驅蹙武昌計而亟班師東下者蓋憺以根本為慮雖
不欲明言其故而其心未嘗頃刻忘吳寇也假令士誠與
友諒犯龍江之時如約夾攻及我聖祖連兵江湖或傾
國入寇雖吳良湯和輩善於守禦我聖祖之淵謀雄略
未遽可乘然兵冢之策不當如是哉顧於此時悠々宴安
日方且與達識帖睦迺往復爭求王爵此駭監子之見也曾
置是而可以成大事乎然輕財好施能以孤城久抗將士無
一離畔其止也甘心就執以死而不受銜璧與櫬之辱雖
命不識天命知順逆然亦豪傑士哉
壬午賜浙西將士戰袍
癸未命中書省平章胡廷瑞取無錫州大都督府副使康茂
才兵繼之先是吳將莫天祐最驍猛守無錫為平江犄角部
將楊茂善沒天祐使茂沒水通士誠徐達獲之盡其得虛實

吳亡天祐守如故
命虎賁左衛副使張興率力士千人赴淮
兵規取膠州登萊
乙酉改平江路曰蘓州府
又練濠州山寨

徐達遣千戶許國取通州次狼山守將左丞張瑄降

丁亥置內使監設監令正四品監丞正五品奉御內使典簿

置皇門使正五品副使從五品內使監後改御用監

召湖廣叅政劉德興岳州叅議張斌

無錫守將同僉樞密院事莫天祐降徐達屢使諭天祐俱被

殺至是朝廷瑞等攻之無錫人張翼率父老入語張氏縛矣

公守為誰天祐擲帽於地曰誰不如降也遂降

戊子吳王御戟門闔士諭千戶趙宗等營制首總旗次小

旗又次軍北屋而居凡出征雖婦女互相保臨敵亦如前復

闕騎士分部諭之謂馬力因禁私乘獸馮及載物俱罪之

己丑朱亮祖次新昌遣指揮嚴德克闕嶺山寨

俘張士誠臣應天舟中閉目猶欲昇入中書省李善長問之

不荅已言不遜善長詈之見吳王曰天日照爾不照我夜

自經駙馬都尉潘元紹專嗜殺漁色誅於臺城又山陽周俚

鉄治也官上卿善聚斂徐達殺之懇曰錢穀鹽鉄籍皆在我
可富國達怒曰爾悞國敢為是言耶

談遷曰有吳沃衍千里物力殷繁羨魚飯稻曳縞履蒸戶
卓鄭而冢王謝用吳以霸雖有其人夫差終覆狂漢生敗
原其地靈狡浮淫汰非神武之藉也張氏才本鳴吠事起
睚眦桓楚乍僂紀令初誅雖秦郵重湖之阻天闕地網取
之如拾遺其後上相秉鉞嚴師江介命在漏刻長城自壞
匹馬騰驤前無堅敵睢水滹沱未之或過矣收集散亡號
召群猾項氏無梁孫氏無翊士德士信謀勇足並奄有淮

東疾趨吳會襲春秋之亡軌踵胡元之下風爪牙統務心
膂輕快搢讓多於步伐衣冠或於甲冑海陵之倉長洲之
苑昔人恃之謂萬世無敵猶假貢琛之表遠交近攻進寸
退尺喪我愛弟僂彼禹臣席盈履豐終至迷悖田園姬侍
日填衛霍之冢鷓咏歌呼盡負良平之略追事急變生微
時股肱如李伯昇呂珍輩寧倒牧野之戈不救秦庭之哭
蘓臺麋鹿委屬舊游震澤薜蘿徒繁禁籥矣然妖韓偽徐
強漢僻夏皆僭及殊號士誠終其身僅一王爵又不屑肉
袒牽羊之辱其隗囂公孫述者流子布衣稱雄賴有此耳

辛卯置宣徽院使尚食尚醞隸之大都督府參議阮崇禮為院使
癸巳太醫監改太醫院

朱亮祖兵至天台縣尹湯槃降

丁酉攻台州方谷瑛出戰敗之指揮嚴德戰死

戊戌送元宗室神保大王及黑漢等九人北歸致元主書又

昭擴廓帖木兒書備金織文綺四之

己亥元沂州守將王信遣謝命鎮撫侯正紀報之

辛丑採石靈璧作磬採桐梓湖州作琴瑟

論平吳功封右相國李善長宣國公左相國徐達信國公平

章常遇春鄂國公達采幣十一雙遇春十雙都督馮宗異平

章胡廷瑞各九雙平章湯和參政曹良臣各八雙右丞廖永

忠都督康茂才各七雙參政薛顯趙庸都督副使張興祖梅

思祖各六雙指揮人五雙千戶人四雙百戶人三雙軍各衆

一石鹽十斤諭諸將曰滅漢滅吳皆公等功公等何忝古名

將今當北定中原矣各努力明日入謝 吳王曰公等還第

置酒為樂對曰荷上恩有之 王曰吾寧不欲宴公等為一

日權中原未平非為樂時也公等不見張氏乎終日酣飲宜

深戒之賜善長誥曰漢廷命相蕭何在曹參之前唐室紀功
玄齡居李靖之上徐達誥曰太公韜略當弘一代之規鄧禹
功名特列諸侯之表馮異功不下於鄧禹潘美義
不忝於曹彬
朱亮祖克台州方谷瑛夜走黃巖入之遂徇下仙居諸縣
壬寅吳王御戟門諭吳降將曰吾諸將皆生長濠泗汝穎
壽春定遠習勤苦不知奢佚非若江南耽佚樂者比汝等亦
非素富貴一旦握兵多耽金帛子女今宜滿舊習盡心効職
從大軍除暴平亂汝等慎之

癸卯新宮成進奉天門曰奉天殿次華蓋殿次謹身殿俱列
廡奉天殿左文樓右武樓自謹身殿入乾清宮又坤寧宮六
宮次為環皇城而門曰午門東華門西華門玄武門其制堅
朴不飾

命博士熊鼎輯古事可鑒戒者書壁間又書大學衍義於兩
廡將甃地或請琢瑞州文石 吳王曰作宮屬民矣更琢石
於遠耶
置金吾虎背羽林左右衛已改金吾前後衛及興化和陽廣
陵通州天長懷遠崇仁長河神策等衛

楚國公廖永安喪歸自蘓州吳王迎祭於郊
十甲辰朔遣起居注吳琳魏觀等齎幣帛求四方遺賢

乙巳徙蘓州富民實濠州

置蘓州衛

吳王御戟門語給事中吳去疾等吾以布衣起兵李相國徐
相國湯平章皆居相近君臣相遇殊非偶然今掃除群雄撫
有江南終夜思之恒不安枕人心易動事機易壞撫之失宜
施之失當亂方生也
丙午命百官禮儀俱尚左官秩如之

湖廣行省參政楊璟為行省平章政事仍分署荊州

定國子學官制博士許存仁為祭酒四品劉承直為司業五品

學錄蘓伯衡為學正九品陳世昌署典簿品陳宗異署博士

七品高暉署助教從八品張溥為學錄從九品

改太史監曰院監令劉基為院使

朱亮祖兵至黃巖州方谷瑛入於海守將哈兒魯降

辛亥置長淮衛於臨濠

祠元左丞相余闕於安慶總管李黼於江州

壬子置御史臺湯和鄧愈為左右御史大夫劉基章溢為御

史中丞文原吉范顯祖為治書侍御史安慶為殿中侍御史
錢用任為經歷何士弘吳去疾等為監察御史基仍兼太史
院使諭曰國家新立三大府總天下政中書政本也都督府
專兵御史臺察百官詩不云乎剛亦不吐柔亦不茹諭湯和
曰今居文職宜親近儒生

癸丑置定遠衛

御史大夫湯和為征南將軍吳禎副之征方谷珍於慶元

吳王曰母教當如徐達下姑蘊

右副御史大夫鄧愈言事 吳王曰天下初定足食在勸農

桑立教在興學校卿言非所急也

甲寅檄諭溫台慶元之民

命中書省定律令總裁官左丞相李善長議律官叅知政事

楊憲傳獻御史中丞劉基翰林學士陶安等右司郎中徐本

治書侍御史文原吉范顯祖經歷錢用任監察御史盛原輔

吳去疾趙麟崔永泰張純誠謝如心大理寺卿周禎少卿劉

維敬寺丞 評事陳敏孫忠按察使李祥潘黼滕毅僉事

程孔昭傅敏學王藻達永貞張引吳彤諭曰網密則水無大

魚法密則國無全民卿等慎之

丙辰遣書諭元將李思齊張思道

丁巳宴功臣於西樓既罷諭曰吾賴諸將以有今日顧勞甚矣大將軍達平章遇春等出死力成功一代元勳也張氏之戚惟大將軍財寶無所取婦女無所近謂中原未平不敢安志爾等其效之皆頓首謝

戊午考正太廟雅樂定舞制

庚申議北伐時元將山東則王宣宣子信河南則擴廓帖木兒閩隴則李思齊張思道 吳王問徐達常遇春計安出遇春請直搗元都 王曰都馬必困逾梁越齊頓師堅城下如

無後繼何吾欲先取山東旅師河南拔潼關守之然後舉元都鼓行而西雲中九原以及閩隴可席捲也諸將皆曰善 癸亥定樂舞文武用道童各六十四人

甲子中書右丞相信國公徐達為征 大將軍平章鄂國公常遇春副之率甲士二十五萬自淮入河取中原

中書平章胡廷瑞為征南將軍江西行省左丞何文輝副之 自江西取福建湖廣叅政戴德隨征

湖廣平章楊璟左丞周德興叅政張瑄率兵取廣西 吳王諭諸將曰今諸將非不捷關然持重有律莫如大將軍

達當百萬之衆推鋒陷陳所向披靡則過春也顧吾患過春
輕向見之武昌既而赴數騎非大將體今達主閩外進取必
自山東始過春領前鋒趨大敵一強即與馮宗異分擊之諸
將若薛顯傅友德皆勇略冠軍此可當一面命廷瑞曰汝故
從陳氏嘗為攻閩知其險要故遣汝文輝德皆吾故人也然
不可以故廢吾法命楊璟曰使胡廷瑞取閩平即航海趨
廣東爾率荆湘之衆進取廣西兩軍合勢何往而不克是日
祭上下神祇於北門七里山祝畢大諭將士曰城下勿妄殺
人勿奪民財毀民居勿廢農具勿殺耕牛勿掠子女獲有遺

孤幼孩還之

乙丑遣

世子標次子

楨詣臨濠

先墓

命申書擇官輔行祭

所歷郡縣山川城隍少軍諭曰命汝游歷旁郡縣因道途險
易以知鞍馬之勞觀小民業作以知民生之艱察民好惡以
知其情即先人墓訪見父老問吾起兵渡江時事知吾創業
不易也

丙寅檄齊魯洛河燕薊秦晉人曰自古帝王臨馭天下中國
居內夷狄居外未聞夷狄治中國也宋祚傾移胡元踐位其
初君明臣良維綱天下然冠履倒置志士尚或羞之自其後

人蔑厥典常有如大德廢長立幼泰定以臣弑君天曆以弟
醜兄至於弟收兄妻子蒸父妾瀆亂甚矣延及嗣君沈荒失
道加以宰相專權憲臺報怨有司毒虐人心叛離天下兵起
使我中國民死者肝腦塗地生者骨肉不相保雖因人事實
天厭其德而棄之之時也天運循環中原氣盛億兆之中當
有聖人出而拯之一紀於茲未之有聞今河洛閩陝雖有四
雄志中國祖宗之姓反就胡、禽獸之民其始皆以捕妖為
名用得兵權怙權相吞反為民害予本淮右布衣因天下亂
為衆所推率師渡江居於金陵十有三年西抵巴蜀東連滄

海南控閩越湖湘漢沔兩淮徐邳皆入版圖奄及南方蓋為
我有目視中原之民茫無歸依深用疚懷予恭天成命方率
群英廓逐胡、拯生民之塗炭復漢官之威儀慮民未知反
為我執挈家北走陷溺尤深兵至勿避予無秋毫之犯惟我
中國民則中國之人君安之夷狄何得而治哉
丁卯徐達至淮安遣諭沂州守將王宣宣子信
己巳吳王恐王保、弟脫因帖木兒潛師擾邊遣餉廬州
安豐六安濠泗蘄黃襄陽守備
湖廣行省遣子戶蔡天祿克寶慶新化縣

朱亮祖兵自黃巖至溫州敗方明善於城南奔八城攻克之
獲員外郎劉本明善挈家先遁亮祖分兵徇瑞安樞密同僉
謝伯通降
辛未沂州王信降授江淮行省平章政事仍書勞之而信陰
持兩端吳任密諭徐達曰王信未可徇宜向沂州觀其變
如納款則分其兵如閉門即攻之

壬申世子還自臨濠

立茶陵衛

十一癸酉朔朱亮祖以舟師襲敗方明善於樂清之盤嶼追至楚

門遣百戶李德招之

乙亥夏使鄧良叟來聘命從徐達北征

丙子徐達次下邳遣都督同知張興祖趨徐州進取山東

己卯徐達至榆行鎮元僉院鄺毅等降

庚辰平章韓政次梁城元同知樞密院盧斌等降

辛巳征南將軍湯和克慶元初和渡浙江夜入曹娥江夷壩

通道直抵車廐逼慶元方谷珍封府庫具民數使院判徐善

等出降自航海追敗之斬溺甚衆擒副樞方維一元帥戴廷

芳等還師徇下溫台諸縣

壬午沂州王宣叛時遣徐唐臣諭分其兵北征宣令子信往
善張治兵而佯犒師夜劫唐臣走之徐達兵至攻之
甲申王宣又降徐達令宣遣鎮撫孫惟德招信書不聽殺惟
德走山西嶧州莒州海州及沐陽日照贛榆皆降達謂王宣
反覆誅之指揮韓溫守沂州

乙酉大都督府副使康茂才為都督同知鷹揚衛指揮使郭
子興天策衛指揮使陳德並為僉都督

戊子元沂水守將張雲翰納款

己丑中書平章廖永忠為征南副將軍自海會湯和征方谷

珍祭海上諸神

方谷瑛遣子文信經歷郭春降於朱亮祖

庚寅勅徐達曰將軍今何向向益都則必扼黃河斷其援即

不向益都西取濟南濟寧使兵難遠度其在將軍金火二星

會於丑分望後火逐金踰齊魯以時進取毋失

壬辰方氏諸將多降於湯和谷珍乃使谷珉遣子明完明則

籍所部吏士舡馬資糧以降谷珍與子明善出降朱亮祖於

黃巖上表曰天無所不覆地無所不載王者體天法地於人

無所不容臣荷陛下覆載生成之德以矣安敢自絕於天

地竊念臣本庸才處於季世保境安民非其黃屋左纛之念
曩者上陛下震轟雷掣至於婺州臣愚以為天命有在遣子
入侍於時固知陛下有今日矣日月中天幸依未造而
陛下開誠布公賜以手書歸其胷子俾守郡縣如錢鏐故事
十年之間與中吳角立皆陛下之賜也迨天兵發臨吳會
臣嘗上書謂朝廷抗越莫歸田里不意今年以來老病交攻
頓成昏昧而兄弟子姪志意不齊致煩陛下興問罪之師
方懷憂懼未能自明而大軍已至台温令臣計無所出雖遣
使再三而承諾之師勢不容已是以封府庫開城郭以俟王

師之至然猶未免為泛海計者昔孝子於其親也小杖則受
大杖則走今臣之事適與相類雖然臣一介草莽安敢自絕
於天地故每欲面縛待罪闕廷復恐陛下萬一震怒天下
後世不謂臣得罪之深將謂陛下不能容臣豈不累天地
之大德哉臣謹昧死奉表伏俟嚴誅蓋寧海唐鼎所草也
吳王讀之曰孰謂方氏無人哉趣谷珍入
張溥曰秦傳二世吳廣起兵於蕪劉邦起兵於沛項梁起
兵於吳元滅金宋傳二世而谷珍起兵於台州劉福通起
兵於潁川徐壽輝起兵於羅田郭子興起兵於定遠張士

試起兵於秦州二代之興嘗自西北其亡也禍則發於東南東南為國咽喉豈不諒哉
談遷曰方氏舉事最早劉溫台慶元而限之叛服不常徂元之德移色於金陵繼枝易窮祖詐取敗彼亂世之禍首也其能免乎雖然漢廢其廟吳組其頸方氏雖後至獲保
睛下鳴呼千古所以貴寶融也

甲午吳王沐浴觀於員丘世子從使導之農家觀其居處飲食器用還謂之曰汝知農乎終歲勤動居不過草茅服不過練衣食不過羹糲國家經費皆其所出故令汝悉之復

指道旁荆楚示之曰是惟糟楚古人以為朴刑能愈風故刑而不殞孺子識之

乙未太史院工戊申大統曆御殿受之命明年十月朔進丙申御戟問語侍臣慕容超郊祀時有赤鼠如馬之異成公綏以為信奸佞害賢良重賦役之占妖由人興吾嘗以此自警

己亥中書參政傅嶽言都人有滯獄逾年歲吳王嘆曰近地猶然如遠何命有司治獄其即時決遣
庚子平章韓政使千戶趙實克滕州

辛丑徐達克益都路平章普顏不花死之知院張俊携妻子
投井死遂徇下壽光臨淄昌樂高苑等縣濰膠博興等州得
更卒萬五千餘人指揮葉國琛等守益都送平章李保保知
院白於應天

十癸卯朔日食

甲辰律令成刊布之

乙巳徐達招撫樂安守將俞勝明日兵次長山北河般陽路
總管李圭降淄川新城等縣皆靡矣

丁未諭徐達常遇春曰山東降將若留舊地養虎遺患也漢

馮異平三輔遣其渠帥詣京師將軍其思之

大都督府同知張興祖兵至東平元平章馬德棄城走追至

東阿元參政陳璧等降次安山鎮元右丞杜天祐左丞蔣興

隆得百五十餘艘

元衍聖公孔希學孔子五十六代孫率曲阜縣尹孔希章鄒

縣主簿孟思諒等迎張興祖兗州以東皆降

置尚寶司設侍儀引進使教坊司

設內職六尚局

戊申宋迪還自山東言張興祖待降將甚優俾領舊兵從征

吳王危之令迪往諭興祖今後降將及吏士之才者俱入
京師勿自留

徐達至章丘守將右丞王成降

己酉徐達至濟南元平章忽林台唐同脫因帖木兒先遣平
章達朶兒只進巴等降指揮陳勝守之送達朶兒只進巴等
入京道逸

征南將軍胡廷瑞至邵武元守將李宗茂降

庶戎張興祖克濟寧

辛亥諭徐達常遇春曰將軍已下齊魯諸郡矣屢勝之兵馬

驕又勞之師易潰尚慎戒之

密州守將即禮降於徐達

湯和籍方氏步卒九千二百人舟師萬四千三百人官吏六

百五十人粟十五萬一千九百石他物稱是又元昌國州降

得粟六萬九千石海舟四百六十二艘

壬子樂安守將俞勝降

癸丑左丞相李善長等勸進吳王辭固請固卻之明日又

請許之

乙卯改慶元路曰明州府

丙辰諭徐達常遇春日元省院官降者今俱遣來處我官屬
開習而後用之夫人藏其心不可度也吾慮或晝敵而夜盜
丁巳征南將軍胡廷瑞副將軍何文輝兵至建陽元守將曹
復疇降指揮沈文仁得之

元蒲臺守將荆玉鄒平縣尹董剛降於徐達

徙方氏官屬劉庸等二百餘人居濠州

戊午頒律令直解

命征南將軍湯和副將軍廖永忠都督僉事吳禎自明州航海取福州

己未廣信衛指揮沐英破分水關克崇安縣

庚申凌說為浙東按察使歛衣陞辭吳王曰雖好儉無若

公孫弘飾詐也說慚而退

辛酉李善長上即位儀注

癸亥中書省議科池宣城太平民布囊輸粟以苛細出庫布為之母煩民

甲子御新宮祭告上帝皇祇曰惟我中國人民之君自宋運告終帝命真人來自沙漠百有餘年今運亦終天下紛爭惟帝賜臣莫賢遂戡定之今輿地周迴二萬里臣下曰生民無

主必推臣帝臣不敢辭亦不敢不告是用明年正月四日設壇鍾山之陽惟帝祇之簡在如臣可君祭日天澄氣和臣若不可當示異焉

徐達遣叅政傅友德取萊陽

丙寅祝太廟名其諸子曰標曰樵曰棣曰楨曰棨曰燁後改守謙製麻履行滕令出城稍遠馬行三步行一

定內使冠服

李善長等進儀衛有天下太平皇帝萬歲之旗謂夸大去之徐達自濟南還益都進取登萊

戊辰元登州守將董卓萊州守將安然及福山等縣皆降

庚午湯和克福州初元行省平章陳友定留其將賴正孫謝

英輔鄧益等以二萬人守福州自率精銳守延平湯和乘舟

師抵五虎門擊敗元平章曲出叅政袁仁夜約款明日兵入

城鄧益拒戰水部門擊殺之正孫英輔曲出皆遁叅政尹克

仁赴水死行宣政院使朵耳麻不屈下獄死之行省郎中柏

帖木兒嘆曰戰守非我得為引妻妾坐樓端慷慨謂曰大夫

死國婦人死夫義也城且陷吾必死若等從乎皆曰惟命縊

而死者六人男三歲出金珠昇乳媪曰宗不可絕也為吾匿

之民舍有急贖之有頃兵入自焚死和遣袁仁及員外郎余善招諭興化汀泉分兵徇福寧等州縣命官往撫山東郡縣曰新民望治猶疾望醫有攻有保攻者伐邪保者扶衰脫民喪亂外邪已去今望扶衰休養生息在賢守令龍驤衛指揮同知金朝興為指揮使梅思祖為浙江行省左丞置市舶提舉司浙東按察使陳寧為提舉是歲分縣三等賦十萬石下曰上縣知縣從六品丞簿從七從八賦六萬石下曰中縣知縣正七品丞簿正八品從八三萬石下曰下縣知縣從七品丞簿秩視中縣典史俱省注減金華田租初餉匱增額至是行省平章李文忠言之

戊申洪武元年

元至正二十八年是秋元亡

夏開歷三年

正月申朔免朝賀

甲戌戒飭百官將南郊

元萊陽守將世家賢降

乙亥 吳王祀天地南郊即皇帝位於郊壇南國號大明改

洪武元年追尊四代

德祖玄皇帝妣胡氏玄皇后

懿祖恒皇帝妣侯氏恒皇后

熙祖裕皇帝妣王氏裕皇后

仁祖淳皇帝妣陳氏淳皇后還御奉天殿百官表賀受之左

丞相宣國公李善長奉丹寶立 妃馬氏為皇后世子標為

皇太子

李善長徐達為左右丞相功臣進爵有差

丙子詔曰自宋運既終天命真人於沙漠入中國為天下主

傳及子孫百有餘年今運亦終海內土疆豪傑分爭朕本淮

右庶民荷上天眷顧 祖宗之靈遂乘逐鹿之秋致英賢於

左右凡兩浙兩廣江東江西湖湘漢沔閩廣山東及西南諸

部蠻夷屢命大將軍與諸將校奮揚威武已皆戡定民安田

里今文武大臣百司衆庶合詞勸進尊朕為皇帝以主黔黎

勉狗輿情於吳二年正月四日即皇帝位 云 布告天下咸

使聞知初元詔首曰工天眷命意稍夸至是首曰奉天承運

談速曰漢祖手三尺劍帝業不五載唐之神克財決歲何

拔興之易也敵漢者獨羽餘皆草偃隋末兵弛群盜驕脆

今以一布衣無少馮藉經營天下友諒猶羽也士誠猶建

德也谷珍友定猶蕭銑劉黑闥也合漢唐之勁分而角之

十有七年始正殊號而大都之下在於是秋王庭北矣制

業之艱百倍前代宜憚致戒於慎守也

詔追封皇伯考一五為壽春王元興南昌王盛盱眙王祖興臨淮

王從兄一重霍丘王二重下蔡王三重安豐王四重蒙城王五重姪聖山陽

王旺招信王從姪譽高沙王銖寶應王轉見六安王見記來安

王滕都梁王潤英山王皇伯妣劉氏嫂劉氏從嫂翟氏趙氏

俱封夫人

作太廟祭器俱從時製曰先人不習古籩豆也

湖廣行省平章楊璟攻永州元右丞鄧祖勝乞援於全州平

章阿思蘭兵至擊敗之

元興化州降湯和進兵延平勅曰服人以德負固乃威凡推

德先適者凡示威先大者又曰欲人不違當使以信欲人戒

功當任以專不信不專爾之所短故用爾戒

丁丑大宴群臣奉天殿三品上俱登殿餘捧馬諭曰朕賴諸
將有今日然念天下之廣生民之繁憂懸於心夜不得枕御
史中丞劉基曰今事定且少紓其憂 上曰先舜處治尚猶
憂之况海內人民脫創殘猶新也

元寧海文登守將降

戊寅 上自舊內遷新宮

談遷曰六朝舊址俱近秦淮都城東自白下橋上 聖祖
拓城東及鍾山之麓填前湖立大內規制雖宏屬在東偏
又地勢中下青溪外流 聖祖晚悔之慮改建病民其見

於祀竊文者可致也噫一代興建僅奉宸者四十二年視

未及九成頗遜其威抑數有適然耶

方谷珍入朝 上曰公胡反覆陰陽勞我戎師耶賈公左右

舞小智悞公公不能自裁耳遂賜第京師

庚辰或獻于闐玉作璽一圭一

亭已置東宮官屬李善長兼太子少師徐達兼少傅平章鄂

國公常遇春兼少保大都督馮宗異兼右詹事平章胡廷瑞

廖永忠李伯昇兼同知詹事院事左丞趙庸右丞王溥兼副

詹事叅政楊憲傅巖兼詹事丞同知大都督府事康茂才兼

左率府使張興祖兼右率府使大都督副使顧時孫興祖兼
同知左右率府事兼大都督府事吳禎耿炳文兼左右率府
副使御史大夫鄧愈湯和兼諭德御史中丞劉基章溢兼贊
善大夫治書侍御史文原吉范顯祖兼賓客初劉基陶安議
倣元制太子為中書令工陋之令廷臣兼宮僚可無嫌
隙昔周公教成王曰克誥戎兵召公教康王曰張皇六師二
公所言不可忘也

元左丞周文貴援永州左丞周德興擊敗之
壬午上欲官皇后族皇后止之

胡廷瑞何文輝攻建寧元同俞達里麻參政陳子琦等固守
固圍之

癸未元兵自廣西援永州也東鄉橋甚盛楊璟遣鎮撫呂深
指揮袁子明等擊敗之寶慶衛百戶周迪戰死

甲申遣周鑄等百六十四人覈田浙西蓋版籍多亡戒勿增
損

丁亥置中山衛濟寧左右衛

壬辰胡廷瑞克建寧周俞達里麻總管翟也先不花降於何
文輝胡廷瑞怒欲屠城文輝止之乃整軍入執參政陳子琦

詰京師獲吏卒九千七百九十餘人指揮費子賢守之廷瑞
避御宇改名廷美

丙申大將軍徐達復自益都至濟南

己亥遣道士周原應往萊州祭海

庚子鄧愈為征戎將軍率兵取南陽以北

設大都督府斷事官從五品

立善世院僧慧曇領釋教事玄教院以道士經善脫為真人

領道教

置各處水馬站及遞運所急遞鋪

湯和克延平初上使使招陳友定友定會諸將殺使者取

血和酒盟諸將飲之亡何我兵至友定戰不利歸謂諸將彼

遠關甚銳毋戰也徒多殺將吏吾壩山壑蓄犀器飽士而

久之皆曰善吏卒城守盡日夜頗怨諸將教請出戰不許已

疑部將蕭院判劉子仁奪其兵殺院判蕭劉子仁懼來

降士卒多夜遁圍十日會軍器局火發我急擊陷之友定出

省堂召樞密副使謝英輔參政文殊海牙訣曰公等善為計

吾自死元耳樓劍仰藥英輔與達魯花赤白哈麻亦具服班

向自經文殊海牙賴正孫等迎降我兵昇友定屍值大雷雨

復籓其子海自將樂來就死并俘京師上詰友定曰若殺我胡將軍又不內使者今何德也雖然降我尚官爾否則伏銅馬友定恚曰已矣毋多談安得加死我子伏銅馬銅馬者大馬也遂併殺海友定字安國福清人少孤贅清流羅氏習販克明溪驛卒壬辰盜起應募累功王世貞曰閩粵中立兵革之間越山海而委輸披其反掌矧視為陳張所為豈不易哉擴廓躡之間閩百折而趨

班友定驅妻子駢首東市乃其喻於節明矣器陳廷諤曰友定乘時幸勢希覬身謀又不知天命拒抗王師自取殺謬豈真忠於元者哉噫是不然方元季時閩中

巨魁起若蝟毛如亦思巴奚阿巫那曹柳慎輩據險阻逞兇惡擁兵各數萬友定平之直友掌耳陳友諒所陷郡縣省臣數年不能拔友定承檄一旦逐之若掃塵掃芥然則當時父老之推戴豪傑之畏服者非友定而誰哉斯時也殺死守將自署官屬僭位號與友諒士誠等角勝負奚為不能而方且按兵養銳非奉臺省命兵不輕舉王師未南下時嘗招之矣友定豈不知勢者哉使其命子命居守而身詣投降則我太祖之寬仁如天且將取其長而用之何至殺之耶惟其分兵而守計在必成時危勢去卒死封

疆鳴呼洛邑所謂頑民得非商之忠臣乎衛融曰犬吠非
其主况當時崛起肆凶居位失節者比而起不於此置
喙而於友定獨議之酷耶一介武夫身不知書能見義敢
為樹十二年保障之功亦可謂一時之雄也已歸化縣志
談遷曰京山高岱極詆友定云託名元臣實為元賊蓋謂
其刑政自恣也噫彼起田間奪閭於群盜之手以身殉之
視李黼余闕輩功尤烈聖視禮整福壽而死友定何惜
也彼誠得死所矣悲夫

辛丑立建昌衛

天下有司官來朝陛辭上曰初飛之鳥不可拔其羽新植
之木不可挫其根天下初定財力俱困夫惟廉者能約己而
利人爾等其思之

二月寅朔中書省翰林院上

郊社廟儀

湯和下漳州元達魯花赤迭里彌實嘆曰吾有死而已朝服
焚香北面再拜曰臣四十始仕不數年致位二千石國恩厚
已今力不能禦義不忍降惟以死報遂研印佩刀自剄死猶
櫻膝如生吏民走哭塋之東門外迭里彌實西域人字子初
姓合魯溫屢戢群盜復省治居官有惠故總制陳馬見以城

降
癸卯召湯和還明州作海舟轉餉北軍命平章廖永忠為征
南將軍叅政朱亮祖副之航海取廣東
汀州守將陳國珍來降
乙巳元瀕州降
丙午征十副將軍常遇春自濟南趨東昌
丁未國學祀先師孔子太宰仍致祭曲阜
戊申上祭太社太稷
己酉命李文忠總兵往福建

唐弋遣左丞王溥上樽賜徐達行營頒將士
壬子翰林學士陶安進宗廟時享禮命春特祭餘三時合祭
太常寺進宗廟月朔薦新禮
工覽畢悲歎久之曰嘗聞為
人子者願為兄朕為弟養日不長喪徒悲耳

詔復衣冠如唐制禁胡服胡語胡姓名
癸丑常遇春克東昌元平章申榮死之在平等縣皆降遇春
還濟南
甲寅平章楊璟遣千戶王廷相克習慶先是次邵陽築莫灘
敗其守兵周文貴遁去

乙卯作綿布戰衣三萬襲分紅紫青黃

夜有大星流雲中

丙辰征南將軍廖永忠遣諭廣東元江西分省左丞何真

丁巳都督同知康茂才率師往濟南

己未諭侍御史文原吉等曰日月之行猶有薄蝕朕凡事豈

必盡善善臺臣久無諫諍抑朕不能聽受耶

壬戌命贛州衛指揮使陸仲亨率兵自韶州搗德興三方進

師會楊璟廖永忠將角取兩廣

甲子命各行省作鴛鴦戰襪一萬表裡殊色可更服

樂安子將俞勝復叛徐達討平之

乙丑諭徐達等以都督馮景異領羽林等衛壯士及各衛軍

都督同知張興祖康茂才右丞薛顯參政傅友德等俱赴濟

寧草橋聽遣

議殺法田一項役一人不及項則湊之曰均工

丙寅樂安平元丞相也連平章忽林台等兵至徐達擊敗之

戊辰陶安等議五冕上曰五冕禮太繁今大祀服衮冕社

稷等祀服通天冠絳紗袍餘已之

庚午追封故姊孝親公主封李貞駙馬都尉思親侯

選國子生周琦王璣張傑等十餘人侍太子禁中讀書
三朔未朔命翰林學士朱升脩女誡

增國學齋舍

命京省鑄洪武通寶錢

立廣信守禦千戶所

征戎將軍鄧愈遣襄陽衛指揮副使王過成孫茂先分道取

南陽

汀州路總管吳崇降於何文輝

壬申克全州元平章阿思蘭遁左丞周德興參政張斌入之

道州萬戶吳友遜寧遠州土官李文卿守藍山縣元帥黎康

陵等皆降

癸酉遣祭

仁祖陵及魯山淮河

祀三皇太罕

甲戌元江西分省左丞何真上廣東戶籍兵餉印章奉表降

於廖永忠事聞詔曰元綱解紐天下瓜分朕除殘去暴十有

四年邇者遣將四征所向克捷思昔豪傑之士保境安民以

待有德若竇融李勣角立群雄間非真主不屈此漢唐名臣

歎今未見爾其連數郡之衆不勞師旅先期來降又奚讓焉

於戲爾實俊傑識時達變特遣驛召朕將錫爾名爵

乙亥徐達發樂安

壬午立泉州衛

癸未元常寧州

甲申征大將軍徐達定山東奏得卒三萬二千餘人馬萬

六千餘匹糧五十九萬七千餘石鹽五萬三千七百餘引布

絹一萬七百餘匹近臣請開山東銀場

工以勞民不許

丙戌平章楊璟克武岡州

徐達至濟寧送行聖公孔希學入京開耐勞坡壩引舟師自

鄆城趨汴梁

戊子命中書省給榜撫安山東訪賢才時元遺臣多疑懼不

安故諭慰之

庚寅立汝寧衛

辛卯夜羣見昴北

壬辰征南將軍廖永忠舟師至潮州

征戎將軍鄧愈克唐州

夜有流星自天皇北行三文餘至近濁没

丙申鄧愈移兵南陽克之獲元蔡國公史克新年章張敬等

降卒千五百餘人

乙亥命禮官儒士輯存心錄俱先代祭祀感召之異

徐達至陳橋元左君弼竹昌以汴梁降守將李克彝走河南

君弼感上歸其母止克彝出戰達入之

立建寧衛沐英為指揮使立樂安衛

四月朔定木棉桑麻徵額麻畝八兩木棉畝四兩栽桑以四

年科之

進 蕪州進竹簟

上卻之曰未徵而進啟貢獻之門自今毋輒

進

立汀州衛

穎州衛指揮使陸仲亨等略定英德清遠眉江連州肇慶等

郡縣進攻德慶守將張鵬程遁遂引兵會廣州

立温州衛

夜莖指文昌近五車

甲辰徐達自中灤進取河南命都督僉事陳德守汴梁

乙巳征南將軍廖永忠次虎頭山門元元帥張瑄降

丁未祫享太廟

山東博興人高翼等八謝蠲租上諭以爾歸見鄉里父老

母來謝各津遣之
戊申命太廟俱全器

命繪孝行及身所歷艱難戰代事為圖示子孫曰富貴易驕
父遠易忘後人生長深宮惟習奢侈不知祖宗積累之難故
示之

徐達出虎牢關次河南塔兒灣元將詹同脫因帖木兒以五
萬人陣洛北常遇春單騎突陣射其前鋒死達麾指揮任亮
康茂才耿炳文乘之追奔五十餘里脫因帖木兒走陝州達
進屯城北李克彝亦走陝州於是河南行省平章梁王阿魯

溫降命右丞趙庸守之

征南將軍廖永忠至廣州龍潭元右丞盧 降

元國子祭酒孔克堅來朝賜第一區月粟二十石

己酉夜羣賊

辛亥元鄭州滎陽百尺寨守將蔡政楚諒降

壬子常遇春下嵩州

乙卯徵河南儒士睢明義鉅鼎臣程彥魯秦彥洪哈天民王

克明馮子端過仲德單有志王儀

廖永忠克廣州三山寨誅偽叅政邵宗愚

丙辰元龍門守將叅政保童偃師守將儲德降

丁巳平章楊璟克永州元右丞鄧祖勝自殺蓋圖久力不支

百戶夏升出降夜攻入之叅政張子賢猶巷戰而潰被執并

元帥鄧思誠等調衡州衛指揮同知丁玉守之

戊午徐達遣都督同知馮宗異康茂才等分兵取陝州

鞏縣孟夏寨守將叅政李成降

庚申守福昌知院張興鈞州 哈利魯許州右丞謝孚陳

州知院楊崇俱降

辛酉常遇春下汝州鄭縣

壬戌都督同知馮宗異等至陝州元將脫因帖木兒遁入之

都督同知康茂才守陝州宗異遣諭登封等山寨

癸亥置山東行中書省江西叅政汪廣洋調山東翰林學士

陶安為江西行省叅政

故叅軍胡深贈縉雲郡伯

侍儀范常為翰林直學士尋兼太常卿尋以病免歲餘徵詣

闕如舊秩尋遷起居注又疾甚乞休 上作詩五言賜之賜

勅尋卒子組官雲南叅政

胡松曰予時、聞長老以鄉先生聞人皆言常貌不踰中

人平居恂、長者是其遭時過王言聽計行遊鴻績垂休
聲幾為明兵佐金元勛馬太史公謂士不附青雲功名不
施於後世豈不誠然子假令常委曲匡輔不以直見疎其
功烈亦何可勝道哉然則常其君子子
甲子 上發京師馳諭馮宗異若克潼關勿遽西宜簡將守
之過其援兵爾回汴梁俟朕議之

守方山寨儒官程夢魯降於徐達

馮宗異克潼關元將李思齋走鳳翔張思道宵遁天廊城

丙寅馮宗異入潼關西略華州元將皆潰

丁卯指揮唐思塔等攻裕州泉白寨元平章郭雲堅守不克

元孟津守將萬戶李恕荅底寨知院陳德庸降

五 庚午朔立沂州衛

昌國州蘭秀山盜陷象山縣鄉兵將公直等擊破之遣大理

卿同禎錄其功賜公直剛甫各百二十金

徐達至陝州調都督俞弼郭子興鷹揚衛指揮子先威武衛
指揮金興旺等守潼關

癸酉袁州衛百戶艾明擊山盜戰死沙陂橋予祭葬

徐達貽太原擴廓帖木兒書遣指揮王臻往虢州取毛葫蘆

山寨南陽鄧州等處土兵團結曰毛葫蘆

工道邛州驛東門諭知州李相曰山東故官聽自便朕將用之其赴京給廩還鄉給粟一斛

丙子遣降將李二忻都從大將軍北征

己卯廖永忠朱亮祖至梧州元達魯花赤拜住迎降元吏部

尚書普顏帖木兒張翺入廣西次藤州聞警不能拒走鬱林

追之普顏帖木兒戰死張翺赴水死亮祖入藤州濤貴梧容

諸州郡次第降

辛巳徐達馮宗異等還河南遣指揮唐英撫諭鞏縣諸山寨

癸未夜有流星自天市西垣至東垣沒

甲申擴廓帖木兒報饋徐達受馬三匹金反之

指揮任亮克霧豹寨

夜太陰犯垣星

庚寅工至汴梁

辛卯改汴梁路曰開封府常遇春馮宗異謁行在

癸巳置中書分省於開封中書參政楊憲署省事

乙未常遇春復往河南

丁酉江西行省左丞何文輝初召還扈從改河南指揮使守

河南

戊戌歸德府改州隸開封

立漳州衛道州守禦千戶所

六月子朔大將軍徐達自河南謁行在 上勞之曰河朔士民

忍倒懸以待宜以時進建勛立業此其日矣既退問達計曰

大兵平齊魯掃河洛擴廓自保之不暇而敢離其穴我西據

漳關李思齊張思道魄奪遠竄元都一阡中狐豚耳誰與為

臂指者第師進而彼北奔不窮跡之將為異日憂 上曰元

運替矣彼且自漸盡何煩我窮兵為出塞之後固守疆圉防

其侵軼可也授以圖令選偏裨為先鋒督水陸兵繼之轉粟

山東由鄆趨趙從臨清而北以抵元都達頓首受命

壬寅 上祀開封諸神仍遣祭域內山川

命江西行省參政黃彬鎮袁州招各山寨通卒

癸卯徐達出次河陰

甲辰元海南海北道元帥羅福等來降守雷州廉訪使廬山

海牙走安南

己酉指揮曹諒克青山寨元參政王興祖降

己未徐達以常遇春至發河陰趨開封暮次陳橋

壬戌楊璟朱亮祖合攻靖江克之璟自永州攻靖江也北關
亮祖以蒼梧之師會於東門象鼻山決其濠水築隄並城克
其北門元總制張榮射書約降絕城出見璟與之白帽百餘
示別夜入之執平章也見吉尼趙元隆陳瑜劉永錫廉訪司
僉事帖木兒不花元帥禿蠻萬戶董丑漢府判趙世傑皆自
殺叅政張彬也南關忠守者詬之欲屠其城以璟禁殺而止
也見吉尼送京師

高哉曰平嶺功廖永忠朱亮祖楊璟陸仲亨為多也朱廖
既平廣東復會璟征廣西其功尤著要之諸將皆能不殺

故成功之易耳觀張彬忠詬已者誓欲屠城及城下終不
殺五殺可謂抑情奉法賢將哉 聖祖分遣諸將三道進兵
揣分合之勢籌先後之規如燭照數計之無遺者卒致成
功不燕臺髮此其聖智神武豈前代帝王所當及耶乃若
何真之息民保境又能識 真主順天命卒之備極榮寵
固一時難得之才而鄧祖勝賀興隆張翱普顏帖木兒趙
元隆董丑趙世傑輩皆知元命已訖聲援已絕非有祿爵
之冀威令之休也乃能守死不移以圖報其主雖有逆命
之罪然可不謂之忠乎

夜有大星自紫微流至雲中

甲子故陳友定將金子隆斜衆陷將樂殺知縣馮源攻延平
指揮羅德聚千戶李白擊却之

乙丑賜壯征諸將夏衣

丙寅都督同知馮宗異為征右副將軍

置刻期百戶所選急足二百人專捷報張德成領之

金子隆復攻延平官軍破走之

戊辰廖永忠進師南寧降之

命浙江江西蘓松常鎮等轉粟三百萬於開封

永新州大雨水蛟出江溢溺人畜命賑之

命平章李文忠率兵討金子隆等通寇

遣祭故元將察罕帖木兒

故陳友定泉州總管陳攻陷同安泉州衛指揮僉事周淵

擊斬之

七月己朔太白犯井

鄧愈下隨州

廣西左江太平府土官黃英衍右江田州府土官岑伯顏等

降於楊璟

辛未罷鑄錢尋復之

壬申 上自畫征進陣圖馳授徐達令各衛轉餉濟寧

丙子勅諭北方新授守令給賞養廉

己卯勅徐達召山東諸將會兵東昌

戊子元平章阿思蘭以廖永忠遣指揮耿天璧再敗之勢感

以象州降廣西悉平

何喬遠曰 上有天下開中原則大將軍諸人南方惟闕

中二廣下闕雖胡美要湯和李文忠沐英先後之其功分

且皆傳檄而定若二廣底平廖楊矣

己丑都督同知康茂才兵自陝州渡河取母邑夏縣

庚寅賑卹中原孤貧老稚中書省臣慮財匱 上曰周窮乏

者不患無餘財患無其心果心注之何憂不贍

辛卯平章楊璟班師還京

上將發開封大將軍徐達等自陳橋入辭諭曰元祚將百年

君則有罪民則何辜克城之日毋焚掠毋妄殺使吏民皆安

堵凡元宗戚亦善待之成朕代罪救民之志有不恭命者罰

毋赦

丙申 上發開封命右副將軍馮宗異留守

高岱曰汴京一幸足以繫中原之心而命馮勝駐汴梁鄆
愈駐襄鄆分布遙制皆有微權其所以控制形勢駕馭英
雄之略豈淺識之士所能窺測其萬一哉
焦山等寨盜魁汝州何文輝遣指揮任亮擊破之
丁酉皇太子攝享太廟

元彬州守將左手楊降於楊璟

京師永濟倉火

揚州自五月不雨傷稼

徐達檄都督同知張興祖平章韓政都督副使孫興祖指揮

高顯等以益都徐州濟寧兵會東昌命右丞薛顯參政傅友
德左丞趙庸平章曹良臣俞通源都督副使顧時右丞梅思
祖各分兵渡河

南海盜馮簡等作亂義民閻敏擊賊死之贈敦武校尉兵馬
指揮司副指揮表其鄉曰忠義立祠歲祭

戊戌儒士李訥上書乞有司存卹鰥寡上然之

是月帶刀舍人周宗奏皇太子園之主器宜擇忠良之士
與之居處其侍御僕從亦選正人使日見正事聞正言國本
既固又廣用人才而用之欲求人才宜開學校立學官教養

為異日用工大是之

閏七月朔遣犒北征將士

庚子徐達發開封徇河北游荒道第次於安丘右丞薛顯

政傅友德等下衛輝元平章龍二友彰德

濟南降將僉院喬三叛指揮陳勝楊春討平之

夜有大星自天墜流雲中

辛丑徐達至淇門鎮獲嘉縣尹胡仲信來降

癸卯徐達兵至彰德降之

乙巳徐達至磁州召指揮王縉還兵守漳河

丙午徐達進邯鄲元兵遁

丁未徐達還京師

徐達進廣平元平章周昱遁

慈利軍民宣撫使夏克武等貢方物授克武中書斷事覃屋

湖廣理問

己酉徐達次臨清起都督同知張興祖等自東昌會

徵天下賢才至京授守令俱厚賜遣之

庚戌參政傅友德游騎獲元將李習臣都事張處仁遂導師

達因遣友德開道以通步騎都督副使顧時浚開以通舟師

詔定軍禮

壬子常遇春克德州

癸丑韓政張興祖兵會臨清徐達率步騎舟師北上至德州

諸將皆集

丙辰官軍克太行山玲瓏等四寨及牛心寨斬元僉院陳天

祐等

置高郵守禦千戶所

戊午徐達下長蘆元將遁達趨青州

辛酉徐達至直沽獲海舟七作浮橋以濟令常遇春張興祖

率舟師並河東西進令步騎陸而前元丞相也達屯海口立

遁元都大震

廣東何真率官屬入朝授真江西行省參政東莞簡祖英從

真起兵障鄉里官行省錄事至是徵祖英入工宴賜金帛

授建平知縣祖英上表曰臣九歲失怙鞠養藉恃長薰用世

以報昊天向食元祿為何真參佐適值三山強寇剽掠廣城

一門妻子五人殞命臣母被賊囚拘臣媿趙苞不能即死茲

遇聖朝率土普天惟昔狗鼠血跡膏鑽臣母得以生還臣即
不孝無所逃死藉聖朝之賜得以母子俱完祇烏再效臣

雖九死其何足以報陛下錄臣等以民社此臣效命之秋也而臣悅願慙慙不敢受命者實以嘗事元朝瑕釁已深臣年四十有九而臣母年七十有一矣陛下誠孝治天下仁懷遠人憐西日之短期予壯堂之私權母臣子拭目太平謳歌日月一上俯從之工未日

癸亥徐達至河西務擊元平章俺普達朵兒只進巴大敗之擒知院哈利孫等二百餘人獲馬六百匹船百餘艘進次通州屯東岸常遇春屯西岸

乙丑元國公知院卜顏帖木兒等出都城來戰常遇春擊敗擒之入通州晡刻日有暈

丙寅徐達入通州

元主懼議避兵北行召群臣會議端明殿有二狐自殿出元主嘆曰宮禁嚴密狐何得至此殆天所以告朕朕其可留哉遂留淮王帖木兒不花監國夜分開建德門同后妃太子走上都

平章李文忠攻克清流寧化諸山寨獲金子陰闕地悉平免吳江廣德太平寧國和滁水旱災租

八月己朔詔應天曰南京開封曰北京朕於春秋往來巡狩

庚午征大將軍徐達進克元都師薄城填濠入陳兵登齊
化門執元監國淮王帖木兒不花太尉中書左丞相慶童平
章迭兒必失右丞張康伯御史滿川等僇之集賢院侍讀學
士河內閔本語婦程氏曰國事至此媿不能報男可當歸家
二女吾不得而保且死於忠程曰君能死忠妾敢受其自
子夫婦自縊二女亦死太子司經拜住字可善康里人明兵
下遂赴井死管太常禮院王遜志家居獨衣冠而坐其友王
翼來告曰新朝寬大蓋出詣官自言狀遜志斥之即投井死
趙弘毅字仁卿晉州人國史編脩翰林待制黃昇字庭士金
豁人

翰林

翰林待制兼國子編修院叅知政事陳祖仁字子山汴人死
之元建德州判官休寧吳訥戰敗不屈自刎中書政事朴賽
因不花字德中台人中書平章政事丁好禮字敬南蘇州
人叅政郭庸不肯謁徐達俱昇在齊化門不屈死刑部尚書
溫州張庸團兵房山官兵至寨民李世傑執之出降不屈死
獲宣讓鎮南威順諸王子六人玉印二成宗玉璽一封府庫
籍其圖書寶幣又守宮殿門使宦寺護其妃嬪宮人吏民一
切安堵明日順德守將來降遣薛顯傅友德曹良臣顧時分
巡古北等關隘凡元臣皆輸告身於官翰林學士承旨危素

居報恩寺亦欲入井寺僧止之曰公死是無史也乃自免
葉子奇曰元自混一以來大抵皆內本國而外中國內北
人而外南人以至深閉深拒由為防護自以為得親踈之
道是以王澤之施少及於南溟瀝之恩悉歸於北故貧極
江南富稱塞北見於偽詔之所云也迄今天祿之遷蓋歸
於南於北可以見乘除勝復之理也自慢藏於方誨盜於
韓獎亂於也先啟事於荅麻而天下之勢子已去七八矣
於是山東西河南北淮左右皆為寇壤城郭丘墟積骸如
山後雖命李察罕收復河汴不意輕信降寇為田豐之所

襲殺其子主保、代領其衆糧師驕不相統一李羅又生
內變稱兵犯闕謀易太子譬之羸病之人日以粥藥扶掖
猶懼不濟况復以峻道毒劑之繼哉縱無外寇尚直喪亡
今百萬之兵振之其能奄延數歲直至戊申而後失國亦
云幸矣

王禕曰自古國家其滅亡之道不一也曰女寵曰宦官曰
權臣曰強藩此四者皆足以亡國而順帝蓋並有之加以
權綱之既弛知慮之益荒其亡也宜哉

高岱曰聖祖之取中原克元都如摧枯拉朽耳雖天命

有在而元人所以禦之者曾無一策夫元將善戰者莫如
擴廓觀其在陝西以敗亡餘孽猶能既梁躡躅力抗王師
亦雄健之才也假元主使總經略之兵禦之雖終無濟於
國事或可少延旦夕之命未必滅亡之易至此也乃使庸
駑群醜勉事支吾以中原之廣都城之下未聞有建牙開
閫旗鼓相當而逞一戰之能者誠所謂搏抄捧工以塞盟
津之決夫豈有社稷之遠圖哉

王世貞曰當察四之圍汴而走劉福通江東僅有濠耳李
羅訢而察軍內顧是李羅代為江東間其破益都而如山

之鉄騎壓江東立靡矣田豐王士誠之刺行而擴廓悉力
而僅勝是二人代為江東間也夫既以誅李羅靖內難而
江東之舉反諒滅九四而擴廓之力小弱矣太子乃以欲
速之私憾而分其將蓋退削者踰歲雖幸而稍振而十不
能支江東一笑是太子又自為間也嗚呼以一江東之微
而養之使強皆元之為非元為之天為之哉
壬申徐達遣元尚書九任還太原告諭擴廓帖木兒又遣將
應宗往涿州招前廣平守將平章周昱尋獲之
癸酉徐達命鎮撫吳勉攝大都路

甲戌授張正常正一嗣教護國闡祖通誠崇道弘道大真人
領天下道教華天師秩正二品
徐達遣平章韓政分守廣平招降白土等三十六寨
乙亥漳州府通判王稔奏人君脩德之要有二曰忠厚以存
心寬大以為政周家忠厚故垂八百年之基漢室寬大故成
四百年之業簡策所載不可誣也臣聞之人君莫先於法天
道莫急於順人心法天道順人心則存於念自忠厚行於政
自寬大上嘉納之時反元政尚嚴厲故禕以為言
丁丑遣官釋奠孔子及春秋二仲上丁日

定六部官制尚書秩三品侍郎四品郎中員外郎主事遞次
之吏部尚書滕毅侍郎樊魯璞戶部尚書楊思毅侍郎劉誠
禮部尚書錢用任侍郎世家賢兵部尚書陳亮侍郎朱珍刑
部尚書周禎侍郎盛京輔工部尚書單安仁侍郎張文將作司隸工部裁
司農大理二司教等入見諭曰國家之事總之者中書分之
者六部凡諸政務須竭心經理或有乖謬則遺患於天下可
不慎哉
御史中丞劉基予告初上北巡基劾不避權貴官吏有
犯即捕治之中書省吏李彬執法丞相李善長欲緩之獄具

奏可即斬之方旱雨隨注善長不懼衆間訴其專不聽會妻
喪許歸青田建寧府甚口一簡緩上直其簡緩者戒群臣
有二風憲官廷訐一甚口一簡緩上直其簡緩者戒群臣
母取便給徐達命指揮華雲龍脩元都城國公二年
戊寅祀太社太稷上將復幸北京諭六部官各任職
徐達遣宣武衛鎮撫楊以舟師守直沽
已卯大赦天下詔曰日者元政陵夷民未安養群雄蜂起疆

字瓜分朕以布衣入戎伍拯生民塗炭提孤軍與豪傑同志
者思所以靖之賴天之靈因民之利干戈所至弱弱強服大殞
江之北以際南海罔不來臣重念推戴以來軍士勞苦農商
罷業未有以安之賢人君子遁匿巖穴未有以來之刑亂重
典未有以平之供億煩重未有以紓之是用陰陽差繆水旱
不時天災屢見朕甚憂焉爰布洪恩與民更始云於戲民
墜塗炭十有七年蕩析離居先岳之氣於焉始復繼自今各
厚爾生共享太平之福以臻雍熙不其偉與
壬午改大都路曰北平府徵元故官送京師

上發南京

徐達命傅友德分兵守蘆溝橋

癸未命徐達置燕山等六衛護班平於是立大興燕山永清左右衛

命徐達常遇春取山西留兵三萬人分戍六衛都督副使孫興祖僉事華雲龍之守

詔御史大夫湯和為偏將軍與平章楊璟從征山西

免浙西長興安吉明年田租謂歸附以來歲勞供億

戊子徐達遣薛顯傅友德陸聚等略大同

己丑立廣洋衛江陰千戶所為江陰衛

元桂彬等守將叅政陳虎都率眾降

壬辰指揮曹諒等克裕州泉白寨擒元平章郭雲等送行在

上義之其堅守賜襲衣衾禡授溧水知縣

癸巳上至北京

改衛輝路曰府獲嘉縣隸之

故元留守迭里迷失等謀作亂事泄僇其黨有差

甲午右副將軍馮宗異從征山西

温州南溪人董孟怡等作亂温州衛指揮僉事吳廣兵往先

諭散其黨止誅孟怡等三人
遣內官往北平放元宮人
有御史訐陶安隱事
上詰之曰聞於道路
之言中人非法也
命中書省斥之
夜惑熒犯太微西垣上將

是月造乘輿服御諸物
宜塗黃金命銅代金
有司言費有限

上曰朕不先儉何以率下

九胡亥克東安州

壬寅置大都督分府於北平
都督副使孫興祖領府事指揮

華雲龍為分府都督僉事

癸卯司農少卿杭琪為戶部侍郎

元湖廣平章昇興宗自德安率衆降

江西行省參政陶安卒
安字主敬當塗人敏悟博洽任名道

書院山長
上至太平迎謁留幕府拜左司員外郎遷郎中

出知黃州寬租省徭移饒州
伍寇有保障功吳元年拜翰林

學士後參省疾甚上時務二十事
年五十九上自文祭之

追封姑孰郡公

袁泰曰高皇帝之渡江也
三吳豪傑未有至者而吳獨

首謁所定皆大計卒之定基金陵弔伐之師遠過湯武安
言悉驗非三代才能之子昔鄴禹追先武於鄴下房玄齡
謁太宗於軍門皆一言合意遂為有功如陶公者豈出房
出鄴下乎尚論其世亦劉宋之匹儔也
戊申都督同知張興祖下永平

立洪武門千戶所

夜感熒犯右執法

壬子夜太陰犯畢宿

癸丑置輝州淇州

輝隸衛

安陽湯陰臨漳縣

彰德

甲寅改各站曰驛

乙卯遣孺壯征將士

己未置雷州衛廣西衛

鄴愈克洪山寨

辛酉湖廣保靖安撫司彰萬里來貢授宣慰使

癸亥詔曰天下之治天下之賢共成之向以疆宇彼此致賢
養民未之深講懷才抱德之士尚隱巖穴今天下甫定朕與
諸儒講明治道期古哲王有能以賢輔世以德濟民者尚不

吾彙

詔優給陣亡吏卒千百戶鎮撫人給粟二十石布二十匹軍
入千二百錢布二匹

甲子徐達遣常遇春傅友德等發北平取未下郡縣

乙丑常遇春下保定

丁卯下中山

十戊辰朔上發北京還南

夏明昇遣使賀捷
己巳常遇春克真定平章孫克義遁尋降真定路達魯花赤
致納賜彰聞大都偕朝服登城西崖上北拜墜崖死

庚午馮宗異湯和下懷慶元平章白瑄住等遁獲卒八百人

壬申至太行山碗子城破其關

癸酉下澤州元平章賀宗哲張伯顏等遁遂留戍擴廓帖木

兒部將平章韓札兒毛義等來攻楊璟張斌授之戰於韓店

敗績

甲戌元左丞自河中攻潼關都督僉事郭子興等禦之

指揮于光持稍突陣敵卻因大敗之

乙亥吏部尚書滕毅為江西行省參政刑部侍郎或原輔為

吏部尚書

丙子命中書省訪郡縣應祀神祇山川及帝王忠烈令有司
歲祭

丁丑上回南京

馮宗異湯和取潞州

戊寅詔平元於天下

己卯有誣富人謀反者臺臣以赦前宜戍刑部擬抵罪上

閻秦裕伯對曰元時罪止杖一百以開後告上曰奸徒不

抵罪誣且多矣自今告謀反不實反坐著為令

庚辰諭宿衛武臣曰元君臣驕奢佚樂今如此朕日慎一日

御等亦思曩在民間視元將帥輕肥皎赫何敢望之當常勿

忘貧賤時

甲申夜有大星自天市東垣流張宿

丙戌置信陽州羅山縣

戊子徙北平城中兵民於開封

己丑陸仲亨為江西行省平章政事元河南行省都鎮撫李

敏為工部侍郎

置京畿都漕運司龔魯薛祥為漕運使 正四品

庚寅割懷慶衛輝彰德廣平順德大名河間真定保定屬河

南分省德安屬湖廣北平屬山東
辛卯大都督府都事汪河為吏部侍郎使擴廓帖木兒被拘
陝州六年今還

癸巳傳友德下平定州

甲午徵元太史院使張佑張沂司農卿兼太史院使成隸同

知郭讓朱茂司天少監王可大石澤李義太監 恂太史院

監候劉孝忠靈臺郎張容回回司天太監黑的兒阿都刺司

天監丞迭里月實

賜元昭文館學士李廷訓冠帶衣服

司天監進元水廟宮刻漏有機 上曰作無益害有益命碎

之

乙未製大祀倍臣執事法官服

裁考功所

梁真王儀為太子賓客秦鏞虞德明張易為太子諭德

丁酉改瓊州乾寧縣撫司曰瓊州府崖州吉陽軍儋州南寧

軍萬安軍俱曰州南建州曰安定縣

立永州陳州衛

浚後湖及石灰山龍灣河道

定正旦朝會宴賀諸儀

十一月告於太廟曰自古有天下者祖皆配天臣尚未敢誠以功業猶未就政治或闕懼帝責焉帝若問祖祖告臣所行事善惡帝鑒之

勅有司災異以實工

遣文原吉詹同魏觀吳輔趙壽分訪天下遺賢

唐子冬至祀員立還詣告太廟御奉天殿百官行慶成禮明日宴群臣奉天殿

日宴群臣奉天殿

徐達發北平進取山西

辛丑命上宴東宮官僚置酒飲甚命諸臣作龍蟠鍾山賦自作時雪賦賜冠服初建大本堂儲書徵名儒保直

徐達次保定明日薛顯克七堞寨

甲辰封孔希學衍聖公授希大曲阜知縣立尼山洙泗二書

院復三氏徭役

置磁州武安縣

丙午遣中書省照磨蘭以權詔諭廣西左右兩江溪峒民官定郡縣祭社稷歲入祭里社土穀之神及祭先祀竈餘淫祀禁之

丁未中書省照磨孫安為兵部侍郎

徐達自保定會常遇春於真定柳亭使左丞趙庸收真定諸未附山寨使薛顯傳友德略平定州

壬子懷柔密雲縣併入檀州

癸丑吏部尚書盛原輔調山東行省叅政大都督府都事張明善為吏部尚書刑部尚書周禎為御史臺治書侍御史

右丞薛顯追敗元唐同脫因帖木兒於石州

乙卯徐達使右丞薛顯叅政傅友德以三千騎略平定州
庚申徐達次井陘元鳳山寨守將李景春降

壬戌都督同知康茂才克河中府

徐達度故關至平定州與常遇春分兵進取榆次

癸亥議耕籍

立中書召御史中丞劉基

甲子定帝后皇太子妃嬪百官命婦冠服之制

徐達獲太原二偵騎乃督右副將軍馮宗異嚴師進太原

丙寅諭中書省臣曰將士相從有戰死者天下已定父母妻

子可念也遇時節其預給薪米錢

郭正域曰天下無生而貴者也天子之元子猶士也大夫

無冠禮公侯冠禮始於夏之末造儀禮惟士冠禮漢以後
天子諸侯之禮大抵因士禮而損益之漢皇帝冠於廟魏
於正殿唐冠於太極殿有太子儀有王子儀有士庶通行
儀宋儀遂載太子加元服而上不及至尊下不及士民何
居漢天子猶四加緇布進賢而下與諸侯大夫共之也猶
三司徒為賓也一加自魏也四加至尊禮無踰也唐而下未
之能易也皇子之為莫主也曰主天子也自宋始也唐冠
命太子於朝堂冠皇子於廳事宋太子西向而皇子南向則
猶明嫡子著代之義也高皇為萬世子孫法釗定其禮

又太尉設纓太師受冕太子皇孫而王禮則相去遠矣辨名
制定分不可易也有賓有贊有祝詞有醮詞有勅戒詞定於
成化時而下逮官民則國初之舊也唐人品官三加得用
五冕堯冕自品而降非大夫五十而爵之義今薦紳先生
冠其子不備禮不下賓况齊民乎載在令甲鮮有能行之
者蓋禮之廢久矣

是月征戎將軍鄧愈討蜀河莽張獲之金商均房俱定

置穎川衛

十二月朔汪廣洋劉惟敬為中書省參政楊憲為御史中丞錢

唐為刑部尚書郭景祥阮崇禮安然為浙江江西山東行省
參政

禮部尚書廣德錢用任致仕居湖州元進士翰林編脩
徐達克太原擴廓帖木兒宵遁初擴廓帖木出兵鳳門關將
自保安窺居庸達意太原必虛彼即擣北平孫興祖總六衛
之師足禦也遂輕騎抵太原果還軍來救鋒銳甚常過春計
步卒未至而輕與角危道也夜劫之必潰會元將豁鼻馬約
降請為間乃夜劫之擴廓帖木兒方難燭視書倉皇聞蹕一
足乘驪馬以十騎走大同獲甲卒四萬馬稱是過春追之

忻州不及擴廓帖木兒又走甘肅

高岱曰燕京既定欲取山西當時若出居庸略宣大或出
紫荆皆可徑擣太原豈不尤為捷疾諸將乃舍二道而南
又徇澤潞者非舍徑而就紆也蓋以北則真保河間未定西
平則懷慶陝州未安真保不通則南北有道梗之患懷慶未
附則大梁無息肩之期此所以先澤潞而後宣大也又據
夷之道當由內以及外先近而後遠故驅之不得不自南
而北也使擴廓帖木兒自大同北奔沙漠則患不集於陝
西矣不虞群醜西逸所以關中之師不可卒解也

己巳置登聞鼓於午門監祭御史日一直
上指宮中隙地謂皇太子諸王曰此非不可亭館臺榭令
使內使種蔬而已漢文帝惜露臺之費爾輩念之
庚午徐達遣薛顯傳友德邀擊賀宗哲於石州
辛未監察御史高原侃言都人喪葬娛屍非禮
定官民喪服之制

壬申改宣徽院為光祿寺徐興祖為光祿寺少卿

改太史院曰司天監監令正三品又置回回司天監監令正四品

定三師賀朝東宮儀以勛舊異於庶俗也時議唐制群臣賀

東宮四拜答其二三公俱答今擬拜賀立受答其二

答百定皇太子親王及士庶婚禮

郭正域曰禮云婚禮下達則六禮之行無貴無賤儀禮無

庸婚之儀僅載士禮孔子家禮冕而親迎夏迎於庭殷迎

於堂周迎於戶故曰明王必嚴妻子也周禮媒氏掌萬民

之判則里巷閨幃之事工之人且究心焉春秋書祭公紀

遣使之制漢太子以奉常往迎唐皇子以親王主婚六禮

之行皆稱寡人義不倫焉高皇帝官地天而府萬物

制為軌則自至尊以逮親王皆臨軒遣使五年詔曰古之

婚禮結兩姓之懽以重人倫近代以來專論聘財習染奢
侈令中書省議制頒行務崇節儉以厚風俗洋、聖謨禮
樂明備然大婚之儀始行於世而東宮以下代有損益公
主下降駙馬相見之儀漸非洪武之舊矣

甲戌馮宗異自潞州西至猗氏擒元右丞賈成明日攻平陽
克之擒右丞李茂

夜有大星自九游流至氣中沒

乙亥真定指揮李傑攻孔山寨敗沒

丙子都督副使顧時獲元沂州逃將王信於崞州歸於徐達

所

戊寅徐達遣平章俞通源往平陽督馮宗異兵會太原

己卯戶部侍郎杭琪為尚書

徐達遣常文顯馬良招諭忻崞山寨何文質招諭太和嶺山

寨

辛巳起復濟南知府藁城崔亮為禮部尚書 元浙江省掾

壬午馮宗異克絳州擒元右丞田保、徐伯昌獲將士五百

人

癸未定中外官親屬冠服之制

徐達遣指揮周房取榆次開通潞州叅政陸聚克半坡寨

甲申徐達遣指揮曹崇周賢王約討介休平遙山寇

丙戌改順州曰順義縣東安固安輝淇各曰縣檀州仍密雲

懷柔

丁亥祭戰沒功臣胡大海等於雞鳴山文臣殉難叅軍李夢

唐節中王愷都事孫炎等附焉

戊子吏部侍郎樊魯璞劾免

己丑頒社稷壇之制

庚寅立旗纛廟

孟州復叛殺官吏徐達分戍胙城清源縣仍防石嶺閩

辛卯宋冕為開封知府諭曰亂後多曠土其勸課農桑求實

效

壬辰遣符寶郎樊斯詔諭高麗國王王顯

定優給將士例

遣諭夏主明昇書曰昔先公通使脩好遽爾長逝朕思之泣

下感念先德安得不為足下慮哉今人心思治審幾識變在

足下自處何如耳誠日近老成練達之士能籌善後之計是

實融錢椒復免於今日也

是月置温州衛

已酉洪武二年

夏開選四年

正朔申朔

上御奉天殿受朝賀大宴群臣群臣進退有禮

工悅命婦朝

皇后坤寧宮錫宴

封京都及天下城隍神應天開封臨濠太平和滁俱王爵一

品餘府俱威靈公二品州俱靈祐侯三品縣俱顯祐伯四品

丁酉徐達遣指揮張煥以萬人取孟州山寨指揮潘敬以三

千人略管州大王川指揮韓溫討亂柳寨俱克之

庚子工御奉天殿問元臣馬翼以元之得失曰元有天下

寬得之亦寬失之上曰未也寬則得民何失之有元季耽

於佚樂失在縱弛非寬也聖王之道寬而有制不以廢棄為

寬簡而有節不以慢易為簡

辛丑命有司祭祀典神祇

甲辰浙江行省參政蔡哲入中書

己巳立功臣廟雖鳴山
徐達檄河南左丞何文輝從征

夜太陰祀丹

丁未享太廟功臣廖永安俞通海張德勝桑世傑耿再成胡
大海趙德勝侑馬

戊申議驚蟄秋分祀太歲風雲雷雨清明霜降祀嶽鎮海瀆
及天下山川城隍諸神

定翰林官制侍讀學士朱升為翰林學士從三品陳桎詹同為

直學士

五品承旨正三品侍講學士
正四品侍讀學士從四品

置河間長蘆轉運使廣東海北鹽課提舉司

唐成遣都督孫過仙等祭天下嶽鎮海瀆遣蒞國子祭酒孔

克堅祀孔子於闕里

詔曰朕本淮右布衣因天下亂率衆渡江十有四年荷天眷
佑西取荆楚東平三吳遂至小番直抵交廣以極於海重念
華夏入據胡人是用命將北征兵渡大河齊魯之民懽然來
迎饋餉給軍不辭千里朕思元末民疲供給茲既效順何忍
復勞山東洪武元年稅糧已行免徵不期天旱再免今年夏
秋二稅近年燕都下晉冀其民久被兵困徵歛尤甚可免此

平燕南河東山西今年稅糧一年河南諸郡久欲惠之奈晉
冀未平則出師所經今西抵潼關北界大河南至唐鄧光息
今年稅糧盡行蠲免以遂朕意秦隴新附之民亦如一體
詔曰朕惟淮右渡江駐兵太平開基建業繼克鎮江下宣城
賴天之靈西征北伐罔不平定朕念創業之初取辦四郡供
億繁重未嘗忘之今天下定其九太平應天鎮江已免糧稅
一年寧國廣德滁和亦如之
詔曰朕肇丕基鎮江太平宣城廣德為京師翼輔供億浩繁
足我興師飽旅六合一家我子孫百世何忘江左民舊歲曾

免稅糧忽遇天旱免無可收縱使不免亦無可徵惠而不及
朕心缺焉已行寧國免今夏秋二稅應天太平鎮江及廣德
滁和無為亦免之

癸丑更定太廟時享清明端午七月望冬至

祀馬祖後湖

甲寅常遇春征大同

乙卯遣使詔諭日本占城爪哇西洋諸國

熒惑犯房宿

丙辰傳友德屯朔州

已未故元翰林學士承旨危素學士張以寧王時編脩雷煥
刑部侍郎程徐太常博士孫吾與胡益禮部員外郎魯堅主
事黃肅等入朝賜冠服尋拜素時侍講學士以寧侍讀學士
聖禮部員外郎徐刑部侍郎肅禮部主事初素大都破欲死
之有僧止曰學士而死是無史也遂出

姜南曰忠義者人臣之大閑也吾盡吾之節而已違恤其
他史書者天下之公論也一人不記天下必有記之者何
必以此藉口而為偷生之階乎

庚申勅諭太原諸將曰大軍所至敵人所至如摧朽拉朽上

天眷祐可不敬乎惟諸將功爾功天授爾生天也孟子曰五
百年必有王者興其間必有名世者古人功高如常、功如
無若國家賞功常乃常高乃高也近者大夫湯和定浙左平
閩中平章楊璟靖湖湘定廣西班師還朝以大將軍滅胡未
還未及賞今再使湯和楊璟從大將軍征進太原之捷至為
將掇不亦奇乎偏將軍璟其居偏將軍和下偏將軍和其居
右副將軍宗異下宗異其居副將軍遇春下協翦餘、馬
常遇春至大同元將竹貞遁入之元大同行省平章政事孫
德謙睢州人官兵至德謙嬰城固守知力不能支手書自決

作詩歎章城陷不屈死年書猶有傳者

辛酉置全州守禦千戶所

壬戌改慶遠府曰慶遠南丹軍民安撫司前安撫使莫天護

為安撫司同知

癸亥叅政陸聚守井陘固關

改中山府曰定州屬真定

甲子裁隨縣其安東安源吉水泰和永新安福州皆改縣

乙丑平章韓政克蟻尖寨寨在林縣西北四十里倚陽山突

兀高聳東有路可通人行先是劉福通攻陷林州達魯花赤

神保死之州民吳庸王居義等聚眾團結其上洪武二年徐

達分兵攻諸山寨惟蟻尖寨險絕不可下命指揮薛顯往時

順德守將韓政列營進攻吳庸度勢難支乃殺居義等以降

得兵萬一千六百人民三千五百二十人悉放免復業設林

縣守禦所

湖廣畿賑粟三千五百七十餘石

是月倭掠山東海上

二朔寅朔詔脩元史時得元十三朝實錄命左丞相李善長前

起居汪宋濂漳州通判王禕總裁徵士汪克寬胡翰朱禧陶

凱陳基趙璵魯高啟趙方張文海徐尊生黃箎傅恕王錡
傳徵謝著纂脩開局天界寺三殿會集今三卷同李善六
遣阿思蘭楊完者不花鄧邦富牛成陳節詔諭雲南日本等
國
丁卯遣官釋奠太學

談遷曰寧波府志洪武二年令孔子釋奠止於曲阜罷京
師及天下通祀刑部尚書象山錢唐吏部侍郎鄞縣程徐
上疏力諫令遂止按高皇帝最尚儒術安有罷祀之理
故特記之

戊辰沅州土官萬戶李德輿為高丹洞軍民長官司何夢章
為鎮遠溪峒金容金蓮等處軍民長官司

己巳占城國王阿荅阿者貢虎象方物

徐達便張興祖守大同

辛未命吳用顏崇魯楊載使占城瓜哇等國

壬申常遇春還師太原

乙亥立皇陵碑

丁丑上仁祖淳皇帝曰陵英陵遣太常祭告

定侍儀舍人及校尉冠服

夜大風

戊寅徐達常過春馮宗異發太原次徐溝

庚辰元丞相也達以萬騎侵通州也北河守將平章曹良臣

僅千人乃沿河列幟十餘里鉦鼓相聞也達駭遁追之不及

河南府同知廣濟徐麟為知府時降人謀叛約漏二十刻舉

事麟聞之緩漏昧爽捕誅之

遣官祭馬祖先牧馬社

壬午上享先農配后稷氏祀畢耕南郊籍田

甲申南北郊增天下神祇壇定大祀省牲

徐達自霍州至平陽會右丞薛顯規取陝西

丙戌裁郡幕照磨檢校

庚寅語廷臣曰累黍可以成寸積善可以成德故小善可以

成至善小惡必至成大惡又曰積善如積土久而不已則可

以成山積惡如防川微而不塞必至於滔天

辛卯徐達自平陽次河中遣指揮張良造浮梁選士馬從常

遇春馮宗異渡河趨陝西

壬辰翰林直學士詹同為侍讀學士秦裕伯為待制袁漢

祿為應奉初大名秦裕伯仕元福建行省即中避亂上海不

就張氏上兩徵之稱疾手書迫之入朝
併沁陽縣入唐州穰縣入鄆州置濬縣真定
改建昌衛為守禦千戶所立驍騎前衛萊州衛
夜有大星自騎官流游氣中沒

甲午諭群臣曰元不重名爵官及私昵吏不恤民惟酒色財
貨朕在民間心疾之今考官事之治唯重貪吏之禁何以故
天祿不可虛也夫庶公當官猶行坦途苟貪賄罹法如入荆
林中即出無完膚體
省新州為新興縣

三 朔末朔徐達自蒲州渡河蒲城寨守俱遁去廊城降

丙申仍旱災 上減膳省咎告 皇考皇妣曰見為民牧惟

恐弗勝伏見去年四方旱災今春風雨不調凶稔未卜惟微

時荒艱 皇考妣茹草雜炊今何敢忘旬日蔬糲與妻妾共

食先答天譴敢告知之

諭京衛將士曰暇常練武不可晏安者危機又曰成功非

易保祿尤難國家用人正如用車前有齟齬便移載矣

丁酉遣中書叅政蔡哲祀三皇侑以句芒祝融力牧風后

上禱風雲雷雨嶽鎮海瀆諸神

戎戎諭指揮同知袁義曰爾麾下多山東健兒宜加恩威昔
平章俞通海戰鄱湖敵巨艦壓其舟部卒奮死力首抵艦鉄
堦半盡脫得免豈非御士之效與
定大祀齊戒七日中祀五日
己亥徐達次櫟陽遂趨鹿臺

庚子改福清州曰縣

立廣州百戶所

翰林學士朱升致仕

諭諸將曰朕昔下金華有館卒能言元時點兵事使者問其

主將曰兵有子皆安在將舉佩囊片紙指名曰在此矣及元

下亂以農夫市人戰汝等娛樂不練士有急安使

徐達入奉元路元將張思道先遁父老子弟迎降改西安府

初師至鹿臺元平章哈麻圖走藍屋民兵殺之平章至西

臺沼書侍御史王武通復降斬之西臺御史桑哥失里守蘭家

洞我攻之勢感同妻子投崖死左丞拜然古走終南山即中

王可仰藥死檢校阿失不花自經三原縣尹朱春同妻氏

於崖死陝西既附民饑命戶賜米一石

壬寅叅政陸聚克承天寨

夜太陰犯鬼宿

癸卯常遇春馮宗異等發西安進取鳳翔

丙申元平章李思齊棄鳳翔率眾十餘萬人走臨沅常遇春入之

戊申諭翰林侍讀學士詹同曰文取連理明世務如典謨無一語怪僻諸葛孔明出師表誠意溢又何曾雕刻詞深意淺即過相如楊雄何益

辛亥徐達使都督耿炳文守西安遂發兵趨鳳翔遣楊璟還師征唐州之降復叛者

癸丑置北平廣西行省威原輔劉惟敬為北平廣西叅政

改英德曰州縣韶州

甲寅御史臺經歷劉希魯為刑部尚書

傳友德克鳳州

戊午增國子學舍

是月置密雲衛

四 月 丑 朔 遣 內 臣 金 麗 淵 送 高 麗 流 人 還 國 賜 國 王 王 顯 紉 羅

各 六

丙寅徐達議進師諸將謂張思道才不如李思齊慶陽易於

臨沅達曰否、思道城降兵悍未易拔也臨沅暨河通番貨其雄饒彼窮、不西走胡則束手降矣遂趣隴州上聞元人窺北平命副將軍常遇春率師赴北平戊辰置陝西山西二行省汪廣洋楊憲為陝西山西叅政改河南分省為行省

己巳命博士孔克仁等授諸子經令功臣子弟入學

庚午徵故元回回司天臺官鄭阿里等十一人至京師

徐達至秦州追元將呂德獲之

辛未元海北道憲訪司僉事李文煥致仕賜歸淮安

壬申徐達檄都督耿炳文指揮金興旺各轉餉五千石赴鞏

昌

甲戌徐達次伏羌取寧遠

改嵩州濬州林州威州隸河南無錫州俱曰縣罷連州梅州循州磁

州武安肆彰德涉縣隸磁州

乙亥編祖訓錄定封建諸王之制

工部尚書單安仁為兵部尚書孫克義為工部尚書

翰林待制秦裕伯知隴州

貽元主書曰曩者君之祖宗起自北方奄有中土及君嗣位

中外猶安一旦多故天下鼎沸朕本淮右布衣仗義興兵君亦知天命遜於沙漠朕非不能窮追以君知時通變於心不忍近兵擾邊聞抑君失策而然耶若果不自省非恐君之福也又諭元臣納哈出書曰將軍昔自江左辭還不通問十五年矣近聞戍守連陽士馬強盛茲因遣內臣至將軍營即令其還書不及多

徐達兵至鞏昌元平章梁子中侍郎陳子林等降總帥汪靈真保平章商嵩左丞周添祥達魯花赤張虎都帖木兒萬戶董璉雷清石榮等亦繼至以都督僉事郭子興守之遣右副

將軍馮宗異趨臨沅都督副使顧時叅政戴德趨蘭州

丙子免秦隴等田租

丁丑馮宗異至臨沅李思齊降養子趙琦亦繼至琦一名脫

顧時克蘭州

己卯左丞薛顯克馬鞍山西寨

癸未徐達次會州或欲括牛羊助食達曰西北人資畜牧括之非弔伐意也一不許

甲申上以臨洮下遣諭徐達曰張思道兄弟多詐即來降勿墮其計

立臨洮衛

乙酉徐達至靖寧州元知院杜伯小哈遁略隆德縣明日度
六盤山至開城遣薛顯襲元豫王王道盡得其輜重於西
州

戊子太倉衛指揮僉事翁德為指揮副使時倭掠崇明德出
海獲倭九十二人仍遣祭海神

癸巳淮安寧國鎮江揚台澤州各獻瑞麥群臣皆賀不許

五甲午朔日食

薛顯至鳴沙獲王保、部將毛祥知縣尹鐸李遵正郭英左

丞董信任弘等并馬六千餘匹大將軍至紅城還

更英陵曰皇陵立皇陵衛

遣陝西行省員外郎許允德詔諭吐蕃

丁酉徐達出蕭關遂下平涼分遣指揮儲種狗隆德靜寧會

指揮吳沂陳壽之師平諸屯寨終政麻毅段谷刺狗華亭咸

歸附

辛丑張思道之弟良臣以慶陽降思道先走寧夏令良臣同
平章擬暉等守慶陽而思道執於獠廓帖木兒徐達命御史
大夫湯和趨涇州指揮張瓊遁

作玉璽一曰奉天執中
壬寅都督僉事陳德克里店買的哥即保寨
癸卯徐達發平涼明日至涇州
乙巳上幸鍾山見農勞由獨龍岡步至淳化門始騎歸諭
侍臣曰農為國本彼辛苦若是獨不念之予古人謂衣帛當
思織女之勤食粟當思耕夫之苦誠惻然於心也
丙午給北平山西陝西成卒戰襖十一萬
戊申張良臣復據慶陽叛我右丞薛顯將五千騎步卒六千
入慶陽良臣夜襲我執指揮張煥顯劄走徐達聞之歎上

明見萬里外

癸丑置福建行省中書省參政蔡哲為參政諭曰君子先辨
義利義者保身之本利者敗名之源福建繁庶多番舶卿其
脊之

甲寅圍慶陽

辛酉命時物先薦廟始供御

御史中丞章溢卒溢字三益龍泉人穎悟好學從子存仁中
寇計脫之集鄉兵捍其土累功不拜官已隱匡山被薦入金
陵擢營田司僉事改浙東尋守處州移湖樓蔡僉事胡深歿

遷浙東按察副使代領深衆溢不受仍官金事誅首叛殲餘
寇召鄉兵三萬送京師上甚嘉之及即位叙功拜中丞兼
太子贊善大夫務持大體曰憲臺儀表百司當養人廉耻豈
特鷹擊毛鷲哉母喪負土營兆毀甚卒上自作文祭之年

五十六

袁袞曰孔子曰有文事者必有武備章公一儒者提戈躍
馬掃清妖氛牧民馭衆之才兼資文武綽予有魁梧之風
迨其立臺端振肅綱紀表儀百僚務存大體正直忠厚章
公有焉

黃金曰溢天性篤於孝友撫世酬物一本於誠凡綱常大
端有闕世教者恒舉以語人每臨大事議論不避權勢必
折衷於理平生嘉言善行不可勝紀當元季群盜四起摩
牙吮血桑梓為墟溢談笑而殄滅之無遺育於是聲光流
顯上結萬乘之知於戲可謂道德之儒學文武之全才者
與

綏州葭州降於徐達

是月封外祖陳公揚王外舅馬公徐王祠太廟東陳公家揚
州宋末從張世傑軍中失舟感神助還里二女適李次郎

淳皇后公壽九十九

六朝子賜國子生夏衣

立平陽衛

徐達降寧州

丙寅功臣廟成徐達常遇春李文忠鄧愈湯和沐英位南向

胡大海馮國用趙德勝耿再成華高丁德興俞通海張德勝

吳良吳禎曹良臣康茂才吳復茅成孫興祖位左右向凡二

十一人塑像生者虛其次

談遷曰沐英當時雖備戎行功未甚著其廟次第六何也

抑上神識逆覩其後耶

丁卯思州土官田仁厚子弘正入貢俟釋服嗣秩

戊辰徐達以鳳翔守禦指揮余思明守平涼

庚午先是蘭山崩軍士多壓死命馳祭仍卹其家

諭國子生習射

上讀叔孫通傳以魯兩生不肯行迂之禮因時制宜孔子云

暮月三年必世亦時也庸待有年哉

甲戌徐達自涇州趨慶陽

己卯常遇春等克開平初遇春自鳳翔趨北平征迤北餘寇

平章李文忠輔之率萬騎步卒八萬敗元將江文清於錦州
次全寧敗元丞相也連兵克大興州擒丞相脫火赤至開平
元主復遁追北數百里俘斬其衆王慶生平章鼎住等得吏
卒萬人車萬輛馬三千牛五萬薊北悉平

壬午安南國王陳日烿入貢命翰林侍讀學士張以寧典簿
牛諒往封日烿安南國王十一月及境日烿先五月卒從子
日烿嗣求誥印不予乃遣杜舜欽等請命以寧留俟安南
癸未裁中書省照磨檢校所斷事官
丁亥太廟金器成

諭禮官曰適用古籩豆宋太祖曰吾先人亦不識此孔子曰
事死如事生事亡如事存其言可法今廟器俱時製象其平
生焉

戊子宋濂為翰林學士王禕待制

故元左丞陳寧等攻鳳州指揮張龍等擊斬之
庚寅慶陽大雨雹水溢

壬辰故海軍衛指揮同知嚴德追封天水郡公

熒惑犯東咸星

七朔己朔禮部侍郎世家寶為刑部尚書

甲午徐達遣降將李茂以千騎復捕隆德以西之未附者
乙未遣儒士歐陽佑等十二人採北方故元元統至正事入
元史

丙申成太廟各帝后紗服

己亥征副將軍中書平章鄂國公常遇春卒於柳河川報
至命平章李文忠領其衆上悲慟罷朝曰使我如失手足

遇春懷遠人有絕力沈鷺果毅善撫士卒摧鋒殿後未嘗敗
壯年長於大將軍奉令進止毋敢失性稍好淫殺而元功自
徐達外無與匹矣年四十八

袁孝曰國之興也必有虎臣詩曰時維鷹揚奕伐大商

明興諸將以功名顯稱者多矣而開平王獨以驍勇著聞

彭蠡之役血戰者累旬僵屍蔽湖湖水為之不流鉅鹿昆

陽之戰弗若是慘也彼章邯尋邑之徒豈項羽世祖敵乎

友諒雖粗暴寡謀然地廣兵強勢居上游僭竊帝號空國

而戰可不謂勦敵乎而開平王獨冒勇死戰方其走張定

邊脫高皇帝舟一何壯也高皇帝嘗曰當百萬之衆勇

敢先登摧鋒陷陣所向披靡莫如副將軍遇春信矣哉

王世貞曰高帝以神武定天下其臣皆莫及然至於中

山開平二王則心儀焉開平之甫定太業而不與其榮
帝之悲思之也世談開平之勇而誠意之謀皆怪而陋夫
暗鳴跳盪百夫勇耳彼豈知有所謂大將者夫封鄂而謚
忠武唐之尉遲氏宋之岳氏併開平而三大將之才岳氏
則吾開平伯仲哉

何喬遠曰大將軍謀勇兼資雖勞不伐夙夜匪懈以功名
終所以處草昧君臣間微已天下甫平副將軍不及論功
與共享之跡其當時皆一心歸誠噉然而無間非徒用勇
力冠軍人以太祖之興比漢高帝然曹子陽未必盡平

天下韓淮陰善戰而不善居之未有如兩將軍者也

談遷曰以開平之鋒銳平天下而靡之與中山共功十九
其偏麾獨往於薊北最尤著也中道天折雲臺追歎雖然
日獲功臣往、誅廢令開平而在其氣亢且出藍玉工能
無鐘室之憂乎今湖元臣輒曰徐常則天又兩全之矣
丙午夜有大星自羽林軍流雲中

丁未廣西左右江各土官來貢命岑伯顏知田州府岑漢忠
知來安府黃世鐵知向武州黃英紆知太平府黃忽都知思
明府趙帖堅知龍州

中書省議徙廣西諸溪峒人於內地杜邊患不許
西番連、地臨沅會寧指揮楊廣擊走之

戊申李茂獲杜伯小哈及將張演造、大都虎以歸
己酉置麻寮千戶所於慈利

辛亥擴廓帖木兒部將韓札兒陷原州殺指揮陳壽都督馮
宗異移兵驛馬関指揮葉谷真守彭原韋正守邠州是夜札
兒陷涇州

癸丑監察御史謝恕巡按松江以漏賦逮百九十餘人至京
師多失實上自訊得之下恕吏

丙辰夏明昇來貢蜀人聞我平閩隴大懼丞相戴壽討結好
治備明昇從之

辛酉馮宗異自驛馬関擊韓札兒走之窮追不及復涇原

癸亥朔帝過春受至龍江上臨祭文曰元季大亂生民危
墊未知所底朕奮起臨濠屯師和陽乙未之春爾來依我同
渡大江先拔采石旋平太建江東之地次第順軌馬汗益馳
秦弓未橐南破三衢西圍金斗戰漢鄱陽九江間射殞友諒
攻降武昌以平湖湘南克贛撫雄安北定襄陽旋旂淮東奄
秦及徐牧浙舉吳執其王歸長淮東西大江南北爾功懋焉

丁未之冬副爾大將北征中原首下齊魯既攬河洛隨戢幽
趙遂包晉冀轉清秦隴與偏將軍稜威首天轉戰永大以底
開平朕全有中國上軼古初爾功懋馬天下克一方有膚酬
何圖未諧遽爾昇命哀痛切心與誰言哉祭畢慟哭命塋鍾
山陰立祠

甲子元總制質宗哲攻鳳翔

高麗國王王顯上表賀即位求封

丙寅元兵攻大同平章李文忠方赴慶陽至太原聞大同警
以聞外事有利專之遂由代出鴈門次馬邑擒元平章剽帖

木兒至白楊門擒其四大王且近敵壘雨雪身引數騎察無
有伏召諸軍阻水而屯夜黑雲壓營意賊劫我伏白楊門果
脫列伯空壁至我二萬騎誘之皆殊死戰寅至辰稍疲分左
右翼身先驅奮戰大破之擒脫列伯文忠手解縛客待之進
克東勝州元人斬孔興來降我至莽哥倉而還初元主走蓋
里泊謀恢復至是大失望

己巳定內侍諸司制諭吏部曰周禮闈寺未及百人後世踰
數千卒為患夫求善良於此輩千百無一二朕今備使令耳
雖未能如古亦當防其微定內使監奉御六十人尚寶一尚

冠七人尚衣十人尚佩九人尚履八人尚樂七人紀事二人
執膳四人司晷二人司香四人太廟司香四人涓潔二人置
尚酒尚麵尚醋尚染四局御馬御用二司內庫倉及東宮典
璽典翰典膳典服典樂典乘六局又置門官

癸酉元史成左丞相宣國公李善長表上之其元統以後俟
續賜纂脩汪克寬等金帛文綺總裁官宋濂等倍之史自開
局至削藁纔七月迫期多忘諱故表曰往牒舛訛之日甚他
書叅攷之無憑雖竭忠勤難逃踈漏
談遷曰元史記傳俱平叙不置論贊異於往代宋文憲在

元拜翰林國子編脩危太樸自負一代史寧負國入江南
又元事百餘年未宜蕩佚而當時鉛槧輒不滿人意何也
閩史館有老兵能憶舊事太樸嘗啖以果餌得語則書之
文獻失守不獨島夷索虜之嫌也

甲戌遣都督僉事吳禎諭徐達如克慶陽令馮宗異統兵同
耿炳文守陝西康茂才鎮山西爾同湯和回京會葬鄂國公
庚辰天鳴

乙亥倭寇淮安鎮撫吳祐等擊敗之
丙子遣符寶郎俛斯往封丘額高麗國王賜金印

辛巳定大祀齋戒七日
賀宗哲右丞葛彬降於徐達

壬午給事中安統為兵部尚書

癸未克慶陽平章姚暉等開門降張良臣投井斬之誅餘黨
二百餘人

元總制賀宗哲攻鳳翔不克而遁指揮金興旺知府周煥力
守關出師擊敗之至是閩慶陽下引去

韓原周添祥商嵩為福建廣東廣西行省參政梁子忠為尚
寶司卿陳子琳為刑部侍郎

甲申 上慮郊祀或風雨禮部尚書崔亮攷宋祥符九年議
大祀值雨雪就太尉廳望祭元經世大典社稷壇內建七楹
曰望祀臺今南北郊皆殿九楹社稷壇殿七楹備風雨從之
又日月望祀靈星城南

丁亥禮部定祭器皆用磁敝方簋簠豆登惟遵以竹

戊子監察御史睢稼請有司月朔會鄉人讀律如古人月吉
讀法上曰感人以法不若感人以心敦信義而勵廉耻此

化民之本也

江西行省平章陸仲亨署大都督府事

置海南衛

己丑大將軍歸至原州聞賀宗哲自天盤山北遁遣都督顧時韓顯傳友德以萬騎追之

庚寅定五祀門戶中甯龜井

諭元將擴廓帖木兒書曰爾守孤城保其餘衆遠處沙漠朕甚忿之是用特與湍滌示茲至懷

置燕山前後二衛改驍騎衛曰龍虎

臨川守禦千戶胡朝宗受賂法宜死其親老泣訴於山三門宥之

是月脩禮書儒士徐一夔梁寅劉子

周子諒胡行簡劉宗

弼董彝蔡深滕公瑛

召河間長蘆都轉運使周頊

九月辰朔徐達復至平涼左丞何文輝自宜祿至分兵戍守

癸巳夜有大星自外屏流天倉

甲午賀宗哲侵蘭州徐達復遣馮宗異以萬七千人赴之宗

哲先遁歸王保保乃還

乙未元宣差老闍堅篤以莊浪州降大將軍即版授知州

丁酉皇子梓生

元降將汪靈真保張虎都帖木兒同族屬入朝
戊戌太陰犯南斗

庚子作御賢亦和玉三青玉三文曰天子行賢天子信賢天
子之賢皇帝行賢皇帝信賢皇帝之賢

辛丑大將軍徐達御史大夫湯和發平涼入朝右副將軍馮

宗異總制軍事

山西叅政楊憲為中書省右丞侍御史王居仁為兵部尚書
癸卯禮部定獻瑞之節 上曰災異尤重其令有司無大小
即飛奏

詔臨濠為中都 上問建都於諸老臣或言閩雖或言汴或

言北平即元宮尤便 上曰長安汴雒雖古帝更都民之初

定未可重勞元宮雖完難仍其舊建業江南形勝真足立國

臨濠前江後淮據險通漕朕欲為中都焉群臣皆曰善遂割

泗壽隸中書省

定文武官見辭謝恩禮

詔有司三年吏部考課

乙巳定司中司命司民司祿壽星曰中祀

改歷陽縣仍為和州

丙午占城國王阿荅阿者入貢

壬子定番王朝貢禮

癸丑考樂制徵聲律之士

甲寅作鈔券得台州錢允一所藏唐昭宗賜錢鏐者倣之狀如瓦公二等候三等伯二等

乙卯吐蕃寇臨洮指揮韋正禦之河未冰不可渡正祝天俄冰如巨屋流下風隨之冰合即禱其營番人請降

丁巳元平章歐陽朝佐等三百六十八人入朝賜冠服

戊午征南將軍廖永忠參政朱亮祖等還自廣西命太子

勞於龍潭入朝仍太子送永忠歸第

是月皇子托生

十丑戌朔高麗國王王顓遣使上表謝封并賀天壽節使臣成

惟德辭歸賜額書曰使來朕問國俗言無城有甲兵不嚴有

居室無聽故所王好釋氏民擾於倭去海濱五十里或三十

里始定居朕雖德薄王已稱臣入貢合古諸侯夫治亂持危

王者所以保諸侯之世也古者王公設險守國王無城郭人

民何依國無治不可去兵王侍衛不嚴其何震之有王無聽

政所何以示重民五十里或三十里始定居則瀕海不耕何

以不艱食君無夷夏惟脩仁義禮樂則民化祚長王好釋氏
何能求福國之大事在戎與祀犧牲不育何以供山川城隍
之祭今胡運既終沙漠靡統朕兵未至遠瀟或有暴患况倭
久擾王欲禦之非雄將猛兵不可遠戰王欲守之非深溝高
壘內儲外援不能為備國患未然轉危為安朕言甚悉王審
圖之

遣湖廣行省平章楊璟使於夏招諭明昇既至昇惑群議未
決璟還貽書曰古者同力度德同德度義無可度焉則為順
圖故能兩全自家流譽亡窮足下幼襲先業不容至討徒取

裁左右謂瞿唐劍閣一夫負戈萬卒誰何此皆不達時變相
謬悞何則蜀之最霸莫如劉備諸葛孔明佐之兵食不足取
之南蠻然僅能自保足下疆場南不過播州北不過興元
以陵絕一隅之地延須臾之命可謂智乎 皇帝威武神聖
有順必賞無負不夷特念足下先人故不忍加師又意足下
幼冲未嘗恐惑於左右者之說故使璟而諭禍福深仁至恩
可不知乎夫漢友諒吳士誠皆以英傑之姿劉吳割楚造舟
塞江河積糧比山岳自謂強將勁兵然鄱陽一戰友諒授首
平江再困張氏而縛友諒子理竄歸江夏窮迫出降然 皇

帝卒於而赦之封以侯爵今足下毋論二君且亦自祗何如
理耳宜孺然獨斷自求多福不然王師一至所為足下謀者
各自為計足下奉老母安歸子足下即幼冲不當當亦痛已
老母逆順之圖度之而已昇不聽
方谷珍李思齊為廣西江西行省左丞並居京師食祿
叅軍周或為山西行省叅政
甲子錄廖永忠所部征南將校功既入謝上曰論功行賞
常典也第府庫之積皆出民間君特主以待有功毫不敢妄
與也

己巳山西叅政陳亮為中書省左叅政知吏戶禮三部
庚午勅葬開平忠武王常遇春鍾山之陰給明器九十事納
墓中贈翊運推誠宣德靖遠功臣開府儀同三司上柱國太
保中書右丞相追封開平王謚忠武并三代俱爵謚
甲戌甘露降鍾山群臣稱賀請告廟不許
庚辰圖徐達常遇春戰蹟於功臣廟
賞平章韓政部曲功賜金帛

辛巳命靜縣立學校

癸未命潭州衛指揮同知丘廣為總兵官寶慶衛指揮僉事胡海

廣西衛指揮僉事左君弼副之討左江工思州蠻黃龍閣等以龍閣糾衆萬餘寇鬱林州也

乙酉置延安衛

翰林應奉睢稼為中書省參政吏部侍郎汪河為御史臺侍御史

辛卯詔郡縣立儒學設教授學正教諭訓導有差廩給諸生是月遺元主書曰朕本布衣昔在田里賴承平之樂後因擾攘為衆推戴乘時渡江西平湖湘漢沔南取交廣東定吳越小閩西江皆入版圖前歲出師由齊魯河雒次及燕城君棄

宗社而去自知胡無百年之運能順天道歸我中國故上策也方今華夏已平外夷咸附朕發鉄騎四出塞外精兵百萬連陣二千餘里直抵陰山之北即君逃遁亦出僥倖春和日煖沙漠草青漢兵出塞之時也霜雪冬寒則歸而守險君雖百萬衆何能為哉改圖易慮以存宗祀不亦善乎

十一月辰朔征大將軍中書右丞相信國公徐達入朝

甲午工部尚書孫克義為河南行省參政兵部尚書周或為山西行省參政

乙未工部侍郎張允為尚書左司郎中劉誠為兵部尚書

丙申大都督府都事趙耀為湖廣行省參政工部員外郎張
本為浙江行省參政耀給事大將軍幕府累績至是加官未
遣

丁酉中書省欲作後堂以病民不許

甲辰馮宗異等俱發平涼入朝王保、乘師遠縱游騎掠平

涼鞏昌北鄙人畜大為邊患

乙巳冬至祀員上始奉

仁祖淳皇帝配還御奉天殿百官

行慶成禮

丁未遣元平章長壽等諭元丞相也速書曰將軍元之故家

宣力王室積有年矣此者天下多故諸將類跋扈元主遠去
沙漠將軍獨孤軍殿後義氣不衰其餘僥倖之徒俱雲逝鳥
散嗟哉將軍之節朕甚嘉焉近聞塞外猶逞蕞毒擾我邊陲
豈將軍不能輯士與我軍集於幽薊待釁而動將軍宜深思
之

戊申夜月入太微垣

己酉廣東行省參政周頊仍為刑部尚書諭曰刑以輔治唐
虞不免舜命皋陶始雖曰明刑終期無刑皋陶亦曰與其殺
不辜寧失不經當時恤刑如此卿其體之

刑部尚書世家寶坐事降廬陵知縣

戊午戶部員外郎張仁榮為侍郎

置駙騎中後二衛

庚申朱昭為戶部尚書楊思義王克恭為陝西福建行省參

政

辛酉侯原善為中書省參政樊思民為戶部尚書尋改大都

督府參議

賑應天蘓松杭湖貧民八百四十六人米一石布一匹

真州王昭明等坐不執伏罪上召訊釋其母子餘黨

十二戊朔遣翰林編脩羅復仁兵部主事張福詔諭安南占城

國王時占城訴安南侵擾詔至俱罷兵

戶部尚書朱昭總職謫蘓州知府

甲子日中黑

丙寅諭禮官凡百官奏對及班列失禮者即舉劾

丁卯湖廣行省參政趙耀改北平

戊辰平章楊璟還朝言明昇閣弱不若即兵之上曰兵貴

有名或後悟來歸可無勞也

元俘脫列伯等至宥之賜冠服

壬申虎賁左衛指揮同知丁德率兵討饒州文山盜
甲戌遣中書省管勾甘桓會同館副使路景賢封占城國王
阿答阿者

乙亥安慶為浙江行省參政

己卯辰州永順宣撫司彭添保入貢置永順軍民安撫司

辛巳征右副將軍都督同知馮宗異不俟命班師還京責
而宥之

壬午歸高麗國王王顯從女以亂失上購得之

以安南高麗山川附祀典

甲午總兵官潭州衛指揮同知丘廣等斬上思州蠻黃英傑
陝西饑命正月戶賑米一石二月倍之

呂宗俊為監察御史

戊子詔驚蟄後祭旗纛

己丑大賞功上曰大將軍徐達定中原克敵制勝撫綏軍
民賞五百金幣五十雙開平王常遇春雖薨與大將軍功埒
賞如之右副將軍都督同知馮宗異澤州之役與平章楊璟
安分彼此以損士及代大將軍總制檀班師不在賞念其初
勞量給三百金幣十五雙御史大夫湯和南征雖破方谷珍

賈浙江參政朱亮祖先推敗之及在閩不肅八閩復叛班師之日蘭秀山賊乘之失陷指揮徐瑋張俊等姑賚二百五十金幣如宗異平章廖永忠平陶粵功可全也在閩時不協湯和致餘寇賚金視如湯幣二十都督僉事吳禎功於閩而能治軍平章曹良臣等從戰中原有功金幣視如永忠左丞趙庸右丞薛顯參政傅友德賜二百金幣十九平章韓政賜二百五十金幣十七平章俞通源右丞梅思祖參政陸聚都督副使顧時賜百五十金幣十五參政陸仲亨幣二右丞王溥幣七其戎將平章楊璟胡美賞二百五十金幣二十雙左丞

周德興都督同知張興祖康茂才金如之幣十七參政朱亮祖張斌戴德賞二百金幣十五都督副使孫興祖百金幣十七都督僉事郭子興陳德二百金幣十五都督僉事華雲龍百金幣十諸衛指揮幣七千戶衛鎮撫幣六百戶所鎮撫幣五營卒粟三石金三之其津遣傷沒諸吏卒賞各有差
庚寅元擴廓帖木兒兵襲蘭州指揮張溫乘暮擊卻之避晴知戎兵寡圍城數重溫閉關不戰鷹揚衛指揮都昌于光時守葦昌來援戰敗馬蘭灘被執至蘭城下使呼降光大呼令堅守敵怒殺之進攻不利引去方其圍蘭也元兵夜登城千

戶朱佑醉不知其下乃擊却之圍解張溫欲誅佑知事朱友
聞爭曰當賊犯時將軍斬佑以徇所謂以軍法從事今既退
恐生擅殺名溫悟杖釋之上賜友鬲五匹于光初事徐
壽輝以陳友諒弒逆來奔累功年四十三上遣祭少宰侑
雞鳴山功臣廟

黃金曰唐劉威以驍騎將軍戍涇州為薛仁果所圍城垂
陷長平王叔良救之賊乃解威與叔良出戰為賊執還圍
涇州令威約城中降威至城下大呼曰賊大饑亡在旦夕
秦王數十萬衆且呈勉之無苦仁果怒殺之今觀于光與

感事絕相類又歎夫古今人未始不相及也嗚呼感之心
即光之心而光之功則浮於感然唐於感贈瀛州刺史爵
平原郡公封戶二十謚忠壯賜田宅光於此數者皆未之
有得豈聖朝崇報之典尚有關典當必有追議之者

詔赦臨沅吏卒之亡匿山谷者


戶部奏是歲郡縣墾田八百九十八頃

湖廣慈利縣叛蠻殺千戶覃友在左丞周德興平章曹良臣

李伯昇討平之

梁水知縣郭雲為指揮使守禦南陽無知南陽府事

是月設河東陝西山東北平河間福建都轉運鹽使司河東
陝西解鹽歲課三十萬四千引引二百斤靈州鹽課司歲課
萬三千三百三十八引有奇引四百斤山東歲課十四萬二
千五引有奇北平河間歲課七萬八千八百五十引有奇
西域僧班的達等自中印度來朝



五